

閩書

八十三 八十四
八十五 八十六

		漢書門	
九	一〇七三	函	號
一	一三三	架	冊
四	一一	冊	架

庫文閣内		漢書	
九	一〇七三	函	號
一	一三三	架	冊
五	一一	冊	架

庫文閣内	
番號	漢 9073
冊數	40 (25)
函號	292 86



綴じ部(喉部分)の文字等が開きが不鮮明な場所あり

廿五

閩書卷之八十三

英舊志

縉紳

泉州府

晉江縣三

皇朝科第

舉人

進士

遇子午卯酉屬舉人辰戌丑未屬進士

洪武三年

庚戌鄉試陳章應

府學

何德舉

莊濟翁

四年辛亥廷試陳章應

何德舉

按上二科以庚戌鄉試辛亥廷

試者洪武卽位之初科試未定至後十七年始有定期

十七年甲子黃維清

解元

楊體初

一作本初

周同

生

淺

十八年乙丑楊體初 黃維清 周同生

二十年丁卯吳安生府學 顏閏生 魏慈生 馮

亮 楊琇 郭居賢

二十一年戊辰吳安生 馮亮

二十三年庚午林維和 許同生並府學 林弼 李

儀鳳

二十四年辛未林維和

二十六年癸酉柯正中 郭文昌並府學

二十七年甲戌郭文昌

二十九年丙子高顯宗 李敏學 吳遜並府學 馬

保 陳賜 何安 諸葛珙 莊謙才 鄭懋中

謙才懋中並應大中式

三十年丁丑莊謙才

建文元年己卯 按建文年號已經詔書仍舊今改薛洪武三十二年仍稱建文元年

用昭府學

四年壬午倪維哲 謝敏 劉孔禮後改孔宗 蔡惟溥

林良 趙同 陳真 丘全並府學 林鳳 梁嗣隆

黃應

永樂二年甲申進士 舊志有洪武三十五年一榜故是歲革除故元年開科而二年

甲申會試 黃應 林鳳 謝敏 倪惟哲 蔡惟溥

劉孔禮 林良

三年乙酉楊端儀解元朱鐸 李斯義 柯應隆

黃敏金府學留震 薛克銘順天中式

四年丙戌楊端儀 李斯義 朱鐸

六年戊子丘重 劉宜 李祐 王純禮金府學 胡

守宗 陳公爵

九年辛卯林安復姓曾濟 卓真 傅沆宋傳自得裔孫

金府學 林廣

十年壬辰胡守宗

十二年甲午徐升堂復姓陳有曾 楊和 林禮

金府學 林儀鳳 吳凱 陳應良 羅閏 吳靖

蔡輝 王瓚

十三年乙未林安 羅閏 傅沆 陳應良

十五年丁酉王彥英 柯季 曾孟初 許一塘

張節 李英 鄭文欽 楊參金府學 陳道曾章應孫

朱鑑 王立 王耀 陳滿

十六年戊戌曾濟 陳道曾 王彥英

十八年庚子徐陟 郭全金府學 陳璵

十九年辛丑余升堂 柯季

二十一年癸卯何觀 黃貴金府學 楊盛基

宣德四年己酉陳智 府學 陳永 府學 王文

七年壬子馮觀 府學

十年乙卯黃凱 府學 崔惠 黃寧

正統六年辛酉莊敏 府學

九年甲子林瑞

十年乙丑莊敏 府學 溫良

十二年丁卯張寬 府學

景泰元年庚午林同 陳亮 丘璧 重子 莊諫 府學

陳燹

四年癸酉楊智 黃寬 府學 林聰 張復

七年丙子黃恭 府學 林秀

天順三年己卯李汝嘉 陳璿 府學 崔瑞

六年壬午包文 府學 張賢

八年甲申進士 先是七年癸未春二月會試場屋
災 詔移秋八月至是春三月

始廷對 李汝嘉 楊智

成化元年乙酉趙瑤 解元 黃淵 府學 莊璿

二年丙戌包文 趙瑤

四年戊子趙欽 莊恭 府學

五年己丑莊恭

七年辛卯王墳

八年壬辰黃寬

十年甲午李信

並府學

林迪

吳禮

永春學

十三年丁酉蔡清

解元

陳暉

安溪學

楊渤

楊澄

德化

學

十六年庚子李雍

汝嘉從叔

楊振

並府學

黃正

十九年癸卯徐琪

張旺

並府學

留芳

震族

林琚

謝洞

莊熙

永春學

二十年甲辰蔡清

二十二年丙午林頗

石宗

鄭賢

黃銘

趙

瑞 鄭奎

王鏃

並府學

蕭存

莊榮

田崑

弘治二年巳酉蔡仲角

府學

朱滌

三年庚戌趙瑞

李聰

五年壬子諸葛駿

貢士隆子

陳珪

陳腆

林仕俊

李源

黃鏐

銘弟並府學

六年癸丑黃銘

李雍

黃鏐

黃信

留守中衛籍

田

崑 陳腆

八年乙卯吳璽

顧珀

並府學

洪聰

莊科

李貫

田崑

崑弟

林城

儒士

九年丙辰王鏃

林城

十一年戊午賴鳳

張雲龍

並府學

陳寧

鄭良佐

武尚文 寧子復 姓陳 留志淑 芳子 蔡存畏 清子 陳碩良 自

佐至此 金儒士

十二年己未鄭良佐 顧珀

十四年辛酉王忠 林潮 董灌 林同 張元

璽 旺子 粘燦 蔡祐 王栢 金府學 丁儀 黃瑗

蔡慶璜 黃恭 張顥 林輅 吳聰 自顥至此 金儒士

十五年壬戌董灌 李貫 陳寧 洪聰 張顥

十七年甲子王宣 汪瀚 莊晉陽 金府學 林鉞

李墀 祐曾孫 莊琦 余義 黃寬 瑗兄 陳常道 李

深 葉寬 自常道至此 金儒士

十八年乙丑李源 黃瑗 林潮 留志淑 丁

儀

正德二年丁卯張文應 第二人 楊孟洪 林廷春 趙

文嘉 蔡奇 莊希纘 蔡敵 曾仲魁 金府學 伍

隆 王宗源 林祐 蔣孔煬

三年戊辰李墀 葉寬 賴鳳 陳尚文 林鉞

陳常道

五年庚午蘇輔 李啟 莊哲 尤復 郭楠 金府

學 王翊 陳良猷 郭敦 復姓 陳矩 項忠 陳

琛 儒士

六年辛未王宗源

八年癸酉曾禎 陳奇 史于光 林春 徐榮

金府學 何綱 黃潤 陳佐

九年甲戌蔣孔煬 蘓輔 郭楠

十一年丙子丘養浩 楊萼 王宗濬宗源弟 陳華

陳弘毅 洪開金府學 吳希澄

十二年丁丑陳琛 史于光 陳華 林春

十四年巳卯何時晉府學 伍鎧 尤和 翁禎

十六年辛巳進士是年武廟南巡故改庚辰為辛巳 丘養浩 黃

潤

嘉靖元年壬午洪富 易時中 林性之 蔡存遠

清子金府學 陳仲 陳廷謨 汪旦

二年癸未曾仲魁 陳仲

四年乙酉蔡潤宗 王慎中 黃文漢鏞從子 蔡存

徵清子 梁懷仁 柯乾敷金府學 莊一俊

五年丙戌王慎中 王宗濬 何時晉 蔡存遠

伍鎧

七年戊子尤麒 溫學舜良孫 陳蕙 莊壬春

王時儉 張志選 黃才碩鏞侄 留子陳志淑從侄金府學

莊用賓 黃光昇 謝棠 蔡克廉祐子 何元述

李仁 王春復 儒士

八年己丑梁懷仁 洪富 蔡克廉 莊一俊

莊用賓 林性之 莊壬春 陳蕙 張志選

黃光昇

十年辛卯陳讓 解元 史朝賓 楊宗秩 張天叙

文應子 曾一誠 蔡纘 莊深 林大任 鄭一鸞

鄭承家 良佐子 金府學 柯實卿 郭立介 蔡元偉 黃

國寵 黃鰲

十一年壬辰柯實卿 徐榮 陳讓 何元述

十三年甲午趙恒 瑞孫 李奇俊 周天佐 郭立

彥 王佩 金府學 史宏詢 郭良璞 陳露 莊思

寬 姚居易 張喬相

十四年乙未周天佐 溫學舜 黃鰲 汪旦

十六年丁酉章日閣 解元 林一新 性之 薛天華

黃崇慶 李一德 金府學 史朝宜 宏詢 石華嶽 史

朝富 朝宜 朱梧 鑑孫 楊鸞 許瑄 黃鑄 洪英

明

十七年戊戌王時儉 王春復 鄭一鸞 趙恒

莊思寬 許瑄

十九年庚子張冕 旺孫 朱安期 鑑孫 田揚 崑孫 王

惟中慎中弟 黃伯善 翁堯英 陳章 楊士中

李士絢俱府學 何琚 項宗禮 戴鯉化 林桂

二十年辛丑謝國賓山東平山衛籍 王惟中

二十二年癸卯周良寔 張喬檜 鄭一鳳一鸞弟

莊士元晉陽孫 林宗和 蔡一槐 尤烈金府學 蘓宗

璽 謝文南 周茂中儒士

二十五年丙午黃廷楫文漢子 留元復志淑子 王宗會

蔡陽立金府學 李纘 林奇材 王國相 丘有品

許宗承 鄭良璧 黃襄 江萬仞儒士

二十六年丁未史朝賓 黃鑄 林一新 張冕

何琚

二十八年巳酉蘓民 楊珂 許宗鎰 黏鍾岳

燦孫 丁自申 黃尚賓 莊國禎思寬侄 黃一棟

洪英佐

二十九年庚戌田楊 李纘 薛天華 丁自申

尤烈 周良寔 郭立彥 朱安期鑑裔孫 郭良璞

三十一年壬子王徽猷慎中族 郭培之 史朝寀朝

弟張敷潛 李載贊 李繼芳汝嘉孫 丁雲會

天琦 陳敦質金府學 龔時應 李伯遇 蔡民

孫振宗

三十二年癸丑莊士元 丘有崑 史朝宜 江

萬仞 李伯遇 王宗會 張喬檜 史朝富

許宗鑑

三十四年乙卯吳從憲 陳邦顏 賴統 許自

新 蔡萬 郭斯德並府學 陳選 陳載熙 劉文

岳

三十五年丙辰史朝宋 陳選 許自新

三十七年戊午黃才敏解元 薛應鍾天華子 蘇士

潤 張養直 周標 趙鷺 鄭大紀 王應賓

王用汲 王師性 杜業 李澤 蔡存省 顏

容舒 陳詩奇弟 王同讚慎中從侄 蕭春芳並府學 趙日

新 恒子 田榭 莊望棟一俊子 柯毓奇 徐廷佐

王雲卿改名重 劉大遺儒士 劉堯臣宋劉昌言喬孫儒士 許一

夔順天中 曾宗可廣東中

三十八年己未蔡萬 林奇材第二 劉大遺 蔡一

槐 王徽猷

四十年辛酉李維鉉 林宅遠 梁並明改名張尚明 張

守為志選 林喬相 洪可弼 莊顏見 王廷稷

宗源 蔡日宣 張宏綱並府學 黃鳳翔 應曾孫 謝

試 李熙 秦舜翰 賴廷檜 陳惟立 張國

謙 李際寅 林雲程 蘓忠 李大瀾 李華

春 張儒則 蕭雲鵠 自華春至此金儒士

四十一年壬戌王同讚 林喬相 陳邦顏 吳

從憲 張國謙 周標 莊國禎 許天琦 孫

振宗

四十三年甲子周良賓 良賓從弟 李廷儀 奇俊 顧應龍

陳超 安曾孫 蕭騰鳳 存曾孫 黃一龍 黃憲清 伯善子 余

棟 楊道會 楊廷相 張治具 莊應裴 宋莊夏裔

孫 張思可 喬相子 史朝錄 宏詢子 李廷益 廷儀弟 李志

寵 涂萬程 黃錫 田升 朱國有 鑑裔 郭立

之 王同任 永春學 何元選 元述從弟 黃喬植 光昇子元選

順天中式

四十四年乙丑林雲程 楊珂 賴廷檜 黃才

敏 李大瀾 蘓士潤 李澤 周良賓

隆慶元年丁卯潘維岳 李繼華 繼芳弟 黃國彥 潤孫

莊敦義 史朝鉉 宏詢子 朱昌竹 梧子 周日甲 蔡

思雍 許知新 自新從弟 林雲龍 黃士敏 才敏從兄

鄭望岳 王維翰 翊孫 黃德洋 陳道濟 陳用

賓 黃履初 楊君聘 張會宗 廣東中式

二年戊辰黃鳳翔 榜眼 李熙 王任重 李廷益

楊道會 黃一龍 蕭騰鳳 王用汲 秦舜翰

顏容舒 史朝鉉 黃德洋

四年庚午陳振揚奇孫 莊履豐一俊孫 汪紹英萬里子

楊維清 梁懷材懷仁弟 留震臣元復子 黃德淵德洋弟

陳節 趙爾憲鷺子 郭惟賢 謝吉卿 朱孔昭

李皓 林雲霄 郭繼曾楠孫俱府學 楊佩訓鸞子 周

良寅茂中子 許國誠 王三陽 李忱大瀾弟 楊日

采士中 張雲冲 黃金應喬孫 陳仕行 黃鍾會

留敬臣志淑孫 蔡文相 陳詔安曾孫 林繼喬 郭宗

磐 林喬楠 張治樞治具弟 林欲厦雲程從

李廷機貢士順天解元 蘇舜臣宗璽子 何居魯元述子並監生順天中式

莊宇毅 王應湯 李任春三人俱廣西中式

五年辛未李際寅 陳詔 楊佩訓 周良寅

郭宗磐 李忱 張治具 陳用賓 趙日新

張宏綱 趙鷺 李華春 張會宗

萬曆元年癸酉蘇濬解元 王居瓚廷稷侄 傅道唯沈裔孫

洪澄源富侄 魏而煥 蔡國炳一槐侄 張而綱 留

湛然志淑侄 黃道瞻 蕭九章 朱天應安期侄 邢屏

謝有大俱府學 周望斗 吳龍徵 王萬 薛喬登

天華 趙存仁 蘇存軾 許宗綸宗承弟 陳嘉策

蔡應麟子克蕪 宰志會 謝廷訓廷試第 翁仲益閩縣學

周日暹天佐嗣子恩生順天中式 俞咨禹都督大猷侄應天中式

二年甲戌林喬楠 郭惟賢 陳嘉策 留震臣

蔡國炳 黃道瞻 楊廷相 翁仲益

四年丙子何喬遷安玄孫貢士炯子 許國瓚國誠弟 丘應

賓有崑子 陳紹功露子 莊履朋履豐弟 莊尚稷國禎從侄 尤

援麟孫 黃克纘道瞻叔 李毓秀 李夢麟纘子俱府學

陳鳴華安溫顯良曾子 鄭得書良佐孫 諸葛表應科從侄 朱

于訓安期從侄 諸葛應科 謝台卿吉卿弟 林岳偉 顏

魁槐容舒族 趙日崇恒子 朱夢賢于訓姪 楊道賓道會從弟

何喬遠喬遷弟自夢賢至此益儒士 張問仁 傅秀岐益貢士順天中

式 五年丁丑張問仁 蘇濬 許國瓚 莊履豐

史朝錄 七年己卯龔廷賓 王明齋 劉良春 常國

賢 王同休惟中子 任才欽 傅道統 李英材

朱士佳孔昭子 王之詔 楊啟新 王鄧鑣總兵城子 傅寔

鳳道統侄 許應玄自新孫 蔡彭俱府學 王命袞 黃國鼎

潛孫 陳鳴熙鳴華從弟 張允茶改名國裳治具子 金時舒 謝望

儼吉卿從叔 楊偉 許應觀 黃國賢潤孫 黃大賓鑄子

英舊 三 余四

英舊 三 余四

蔡淮 伍鳳章 陳昇 丁日近自申張志任喬

子日近志任僉監生順天中式

八年庚辰溫顯 黃克纘 謝台卿 張治樞

陳紹功 謝吉卿 陳仕行 王三陽 朱天應

十年壬午常孚獻 龔雲致時應許廷嵩 郭震

之楠族賴克俊廷檜趙世典日新王純臣俱府學

林寅賓 陳義 張憲可喬相蘇守一 楊岐鳳

尤應魯麟子蘇朝陽監生順天中式

十一年癸未李廷機會元蔡應麟 莊履朋 龔

雲致 尤應魯 許國誠 龔廷賓 吳龍徵

林寅賓 蔡彭

十三年乙酉李光縉解元李光綬光縉從弟莊懋華國

子潘瀾維岳蘇廷燾濬子莊懋聲懋華弟黏鍾崑燦

任俱楊載萼改名瞿嶸劉弘寶 黃朝鼎國鼎弟杜

應楚 陳諫 黃汝良憲清陳鳴勳鳴煦弟史繼偕

朝宜黃居中儒士許鳳賓貢士蔣光彥監生鳳賓

天中

十四年丙戌楊道賓榜眼黃汝良第二王同休

陳鳴華 洪澄源 林欲屢 傅道統 蘇舜臣

蔡淮 陳義 趙世典 鄭得書 朱士佳 劉

弘寶 留敬臣 何喬遠

十六年戊子潘洙解元 維岳 侄 林學會敦中子 經魁 林喬木

李伯元聰曾 孫 李宗熹源孫 郭應龔 陳亮采 余

煒棟 侄 曾華國 王鏞煇孫 張正紀 李文淵

張維樞志選族 侄 蔡立敬 丁衍仁金府學 陳績

陳廷詩 林喬烜 朱于譏于訓 弟 丘應和有崑子 監生順

天中式

十七年己丑莊懋華 諸葛表 丁日近 鄧鑣

金時舒 陳廷詩 傅賓鳳 潘洙

十九年辛卯黃志清解元 錫子 李仲元第三人 伯元弟 蘇宇庶

第四人 守一 侄 林有標第五人 蔣光源光彥 從弟 陳瑛選任 洪鶴

冲 江中楠萬似 侄 陳經正義任 李廷檉 趙世徵

日新 子 張正綱正紀 弟 張翼新思可 子 黃鐸鳳翔 侄 李叔元

仲元 弟 林喬松 蘇茂相士潤 侄 林學閔學曾 弟 陳狝奎

鳴華 侄 江中挺萬似 子 林維暹學曾 侄 史書官朝益 子

二十年壬辰史繼偕榜眼 蘇茂相 李叔元 林

學會 陳振揚 蘇宇庶 蔣光彥 蘇守一

江中楠

二十二年甲午土畿解元 周維京第四人 夢斗 侄 林欲棟

總兵武 直子 林夢琦 吳瀆相 涂喬芳 李精粹改名

儲精 李范廉 林國俊寅賓 鄭當道 蔡增譽府俱

學 陳鳴烈鳴熙 蔡立愛立敬 何夢駿喬遠 蘇懋祺

吳道熙 趙世放恒孫 李肇開

二十三年乙未賴克俊第二 陳瑛第四 陳亮采

周維京 林欲棟 黃志清 李范廉 吳寢相

趙世徵 杜應楚 涂喬芳

二十五年丁酉蔣尚濬第四 陳用舉 黃琰光昇

楊萬薦盛基 徐縉芳榮孫 宋國守 楊道寅 張

廣 李之佳堪曾 許懋克宗 林同懋欲棟 林廷

雲俱府 李廷森范廉 翁華祝 張維堯維樞 陳秉

正 張翼進改名 林喬楫改名 蕭繼美

楊道罔改名 道賓道臣 林而廷 丘夢周有崑

中式 四十年丙子并命 林而廷 丘夢周有崑

二十六年戊戌黃國鼎 林廷雲 蔡增譽 丘

應和 林夢琦 張維樞 王畿 黃琰

二十八年庚子唐天眷 莊履萬一俊 林士琦

蘇懋祉懋祺 莊欽鄰 李夢祥熙 陳文暉 許

學宗 周維章夢斗 丘希周有崑 林奇榛鍾孫

林有科潮曾 陳景奎鳴熙

二十九年辛丑蔡立敬 李夢祥 陳經正 莊

欽鄰 蔣光源 徐縉芳

三十一年癸卯林欲楫解元欲棟弟陳鳴瑜第四人鳴熙從弟

莊重岳用賓孫秦鍾震舜翰子史延昇朝宜從孫李賓之佳

見以上六人並府學 蔡邦藩 陳應春 馮時來 章際黼

字敬 陳伯英琛族孫 王士晉慎中族孫 張汾會宗子 張瑞圖

喬槍任孫

三十二年甲辰秦鍾震 潘瀾 張維崑

三十四年丙午莊奇顯毓玄孫 莊侃復姓蔡 林輝宸

吳淳夫從憲族孫 李極 黃道開潤曾孫 田居莘 黃寵

詔維清玄孫 韋孚弼國賢孫 杜魁先應楚族孫 王際達 李

廷榆俱府學 陳昆奎鳴熙子 郭如楚良璞子 楊溥廷相族孫

張翰冲 李茂清 孫若湯振宗孫 侯紹華 王

耀文

三十五年丁未張瑞圖探花 林欲楫 楊道寅

楊瞿峽 陳鳴烈 蔡侃 蘇懋祉 唐天眷

郭如楚

三十七年巳酉蘇琰氏子 蔣德璟光彥子 王寅揆三陽

子 林雲輝 吳祐 洪從龍 秦子炳舜翰族子俱府學

洪贊宇 洪應運復姓陳 林鍾 陳純懷 廖鵬舉

顧斌珀族孫 洪元卿 孫元若湯弟 留觀光志淑族孫

黃卷 蔡易葵 楊師說佩訓侄易葵 史繼英朝賓

子順天中式

三十八年庚戌陳伯英 黃卷 吳淳夫 陳應

春 李廷楨 蔡邦藩

四十年壬子程光陽 陳位奎鳴華侄 陳聚奎 李

正培叔元 何應明俱府學 黃日昌國鼎侄 何九雲喬遠子

鄭毓麒 鄭之玄良璧孫 郭廷禮楠侄 王觀光 楊

景辰儒上 留維相湛然子應天中式 侯世臣順天中式

四十一年癸丑莊奇顯榜眼 楊景辰第二人 馮時來

王寅揆 蘇琰

四十三年乙卯何燮第五人 王堯天 傅元初道唯

孫劉漢溶 周廷瑛良寅侄 陳國清 馬用錫 倪

光遠 蔡殿雲 黃廷師 李用俊 蔡于聲

迭子奇 王應聘同任 陳士會 陳龍可伯英族弟

學蘇元起琰從 黃景昉國彥孫 林胤昌雲龍孫 黃烜

仲 蔡日揚清族孫 留景星湛然孫 林肇開雲程從孫 黃日

昇國鼎侄 陳大對 林華實 王士彥宗會侄 薛喬相

天華族孫福州府學

四十四年丙辰鄭毓麒 程光陽 林肇開 陳

大對 王際達 洪贊宇 張翰冲

四十六年戊午蘇茂杓茂相曾化龍純臣黏洪錄族

孫劉麟長弘寶李孔傳夢祥王宗震純臣許兆馨

應玄楊錫璜道賓朱紱來夢賢世宸望族史延暉

朝宜潘汶洙弟許魁登容舒丘思周應和

張維機維樞黃汝為汝良李廷森順天劉麟長應天楊

四十七年己未曾化龍李廷森劉麟長楊

錫璜黃廷師一

薦辟貢士監生賢者雜見列傳中

有傳劉嵩趙士亨蔡玄張惟康留潛夫

孫志淑震臣莊濟翁孫道曾陳章應

玄孫璜楊曜宗子輿黃維清郭居賢

玄孫楠族孫張昭史福諸葛文

族子隆隆子駿應科張度從子惠

鄭懋中張寬倪維哲蔡惟溥劉孔宗

朱鐸丘重陳安孫初曾孫詔

朱庚

劉嵩字子中博通經史詩文清新奇古元季落魄不仕有知其貧而餽之者輒正色謝其所可受即用調貧或送酒家洪武初以賢良方正薦授賓州判官卒

于官不能歸櫬賓人葬之州門外有中齋集

趙士亨字應嘉隱居九峰讀書教授父喪明母患癰

奉養周至父母繼沒居喪盡禮廬墓三歲山寇呂光

甫過其居戒勿犯也洪武初繇人材薦授河泊官

蔡玄通誦五經 國初召入對策稱旨授翰林院編

脩方九歲耳歸省卒于家初玄父賣酒當爐拾遺錦

囊盛珠大小數百顆直百千候其人盡還之其人取

一最大珠為謝曰願君生子有如此珠明年果生玄

時夫妻並年五十矣

張惟康以薦教諭建寧縣建寧志稱其得師儒之

留潛夫字文明宋忠宣裔孫也洪武庚戌舉明經科

授揭陽知縣剗弊蘇察興學課士餘俸以佐公費不

入私橐丁艱歸士民思之曾孫志淑

志淑字克全年十六受業蔡文莊之門一見稱其遠

器十八領鄉薦久之舉進士授溫州府推官折疑獄

快輿論擢刑部主事遷員外郎郎中以才望推守杭

州至則厚本節浮平物值禁和買府有鎮守織造市

舶四太監歲支庫給人以千計志淑力持省之鎮守

太監畢真者故寧庶人宸濠羽翼擁牙士數百肆行

殘賊志淑白臺察陰制之真一夕構市人火其居延

燒二千餘家意欲因而起變戕殺官吏志淑閉門不出第遣地方撲滅傳報諸衙官母往看火也數日濠友報聞真將發益憲臺察監司召志淑定計志淑曰請諸公入見守提民兵門外待於是監司皆入見真既出志淑入真怒曰知府造我反耶志淑曰無之府中役從太多是以公心不白公宜散遣之因詢左右出報監司復入自上堂執真手與語諸役從在外橫恣狀頃之監司至交口語真真倉卒呼其衆出出則民兵盡執而置之獄俄與真入視府中見所藏諸兵器詰曰此將何爲真不能答以禮羈留之踰月朝廷得奏狀逮繫伏誅此時濠變方起

武廟率師親

征 車駕且道徽州憲臣以志淑才便宜表改知徽使備行在供億至郡止候駕丁夫罷民間諸所措備惟令人持直前途隨方隨時僱募策應公私晏然時有執封檄從府中門入稱奉旨擒惡人某者志淑習其人富而無惡知其詐令傳中醉之潛發其封白頭而已論坐如法徽俗尚氣器訟案滯累年志淑剖折如流郡爲清晏則會諸生學宮習禮考樂鍾筍之聲萬舞之容一倣太常法度隙地創尊經閣度書教士蘇郡飛派白糧力爲奏免治徽再期杭人請監司

還之奏可復治杭徽民奉祀之十太守祠遷湖廣按察副使尋轉布政司叅政銅盤嶺洞賊起志淑先察擒土民爲藏匿若干人凡報賊者輒弗令返繇是聲息不通乃令各村富民集兵以待指麾分道直逼賊壘而賊猶不知月餘外給不繼知賊困使人善諭之遂降歲大飢巡撫欲行部賑濟志淑自請行諸察疑之志淑曰大府不出所以賑也夫大府一出一郡供億何啻百金抑且有賞緣爲利者此某所以願代大府行也巡撫深然之旣出置斂散法極貧賑米次賑錢次轉貸節役蠲稅民多賴焉屬有腴田數百頃爲

水所決歲比不登公私逋負俗譌以有潛蛟之怪志淑按其地使人鑿錐尺許爲泥而下盡流沙白臺察度舊所決勢疏導之堤內與外植柳爲固不二年田成有秋民號留公堤歷補江西按察使逾月轉瀾江右布政使數日卒子元復扶柩江西藩臬諸司暨列郡賻奠凡四百餘金悉辭不受江西移文于福建督學潘潢獎之孫震臣

震臣字任常熟年方二十九嫺習吏事所定徵科法吏民不得欺隱考較諸生童一依科場法依牌派立東西魚貫無得溷者勵精虔事戴星燃炬旁午

綜之疏濬白茆踵周禮荒政役飢民而厚給其直畚
鍤雲集甫告竣而吳中大水漂泊田廬亡筭賴是塘
以漸泄之時柄銓者方著久任令震臣在常熟六年
所陞刑部主事告病卒于蘇州

莊濟翁知寧都縣勸農興學朔望畢召小學書生講
解均徭役浚陂堰造浮梁惠政甚多秩滿陞員外郎
去民為建思莊樓

陳章應字敏達元信惠子也 皇朝泉人登第

自章應始官榆次繁峙安丘三縣丞 太祖疑

其丞三縣必有貨捕而錄其篋無一錢第得章應母

所貽書書言鬻田產以給官次遂命陞禮部主事洪

武十八年命禮部錄百官善蹟著聞者揭于其鄉之

旌善亭刑部錄犯法明著者揭其鄉之申明亭示勸

戒章應特被旌榜卒于官孫道曾

道曾字端誠旁通子史尤邃於易舉進士改翰林庶

吉士自陳願受學職授吳縣教諭陞瑞州府教授持

已以正教人多術不爐不扇有古人風遷無為州學

正教如江右兩典文衡公明見稱有吳下集筠陽濡

須等稿玄孫瑛

瑛字時聘舉鄉試第十一登會試第五人令崇仁認

錢塘歷南工部郎知順德府調大名遷浙副憲又調山東學憲蓋兩爲邑兩爲郡兩爲憲副而皆以繁調後擢常鎮叅政則以親老乞歸養越五載後推起叅政山東尋備兵徽安爲按察使駐池陽卒于官池人當日祠祀之鄉紳丁相國紹軾爲之傳曰公所至地無論予則習予郡請言公所以治予郡公始至值東夷倡亂楚蜀齊魯間在在驛騷齊魯淮徐接壤也繇廬桐至池不旬日而桐廬一帶奸民潛伏待應士民岌岌矣公曰此有如蘇洵所言未亂易治旣亂易治將亂未亂不可以有亂急亦不可以無亂弛者也吾不敢以武競且以文令于是條議當務者六飭兩衛官軍者十有二備守禦飭江防者亦有十二具見施行語余曰吾轄徽安兩衛衛之軍不足衛而更外募兵何爲又一軍耳令赴闔則退縮呼庚癸則爭先強弱何異用也所轄池港二營徃月糧任役與顧役者兩分公曰此太平時可今將有事用之可不無事優之况兵用頂首安得勝兵吾不卽爾裁足矣于是任役者得糧踰常時無不願死者歲有督漕役屆期齊魯羽書狎至有司及諸弁遂議留停公曰事急尚圖勤王甫動便思觀望謂臣義何且此議一興是使四

方信其亂也挺身前行嚴飭諸郡逗留者罰後亂靖無不服公卓識公食不過二簋服不厭浣洗苞苴不至其境筐幣不入于庭郡舖戶素苦賠累令不用或尼之公曰革弊務盡曷有益于民吾寧爲棘子成居嘗勵精達旦不寐去歲溽暑督漕幾殆屢乞休不允今春遂不可起嗚呼天不欲竟公用耶

楊曜宗字世顯教授里中小兒以百餘人行偶不亂邑令見而服之薦之訓導邑庠時年甫二十有五教諭襄陽王敬名有學行而曜宗與之協恭秩滿陞嘉魚教諭陳情養母

高皇帝閱其疏曰忠孝人

也下吏部於本貫銓授仍改晉江母沒服闋吏部方簡賢才輔親藩曜宗與焉擢韓府紀善遷左右長史事韓獻恭二王匡輔忠勤

文廟登極恭王方幼召入試奏對有倫

上喜曰王之進學長史

得人也特加獎賚洪熙改元王之國平涼曜宗從前後府中三十年年七十餘乞致仕王製文賜之有分雖君臣義卽師弟之語又出餞于郊賦詩爲別曜宗和易清楚望之翛然至其禮接後進躬然不及有以問學叩者爲傾竭中底經史百氏靡不博涉文章典則溫潤詩篇清暢麗密學者稱思復先生有桐月山

房稿子輿

輿字士載通涉經史百家與徵士陳微仲輩爲友不求聞達門徒數百多有學成不應舉者郡守蔡錫雅重之訪以民情輿上十事大見嘉賞因與通判朱旭以明春秋經薦授惠安邑庠訓導是爲正統丙辰歲亡何丁內艱已未起復簡郕府伴讀

郕王卽

位是爲景帝一時潛邸舊臣咸蒙顯用而輿僅出爲處州知事處山賊猖獗巡撫委輿捕治輿定略立法積饑選銳連破沐溪芳竹九賊巢事聞勅獎景泰壬申考績召見文華殿問民情苦樂對曰無苦民事

則民不苦

景帝善之賜酒飯寶鈔特陞戶部

郎中六年考最陞南戶部右侍郎天順丁丑更調景泰諸臣出爲永州知府永久旱風輿詣城隍自責風息雨作百姓歌之廣西苗賊滋蔓發策備禦不敢入境未幾總兵李震率兵十餘萬往征兵駐永郡城中瀉疫熾盛輿詣諸病所執桃茆逐災氛鑿藥之給之貲財濟其調理不半旬有詣見稽首者呼再生父母問是何人疫而藥者也都指揮高毓告以營軍疫盛輿往療如初永有舜塚樹木蔭之整飾濂溪祠復其家擇裔孫二人養於學資給之郡有孝子順孫義夫

節婦召見賞勞敗彝亂俗者大爲懲創他諸祠廟公
廨橋梁道路莫不一新先後爲民娶其不能娶者七
十餘人嫁其不能嫁者五十餘人塋其不能塋者百
餘喪野有暴露令人埋瘞癸未入覲引老乞歸燕賜
甚腆詔有司以禮相待永民間之哭踊如失所生一
日疾作具羊酒邀縉紳爲別曰今日相看莫辭酒明
朝合眼事茫茫未幾卒有松軒集

萬廉仕霸州知州一廉如水州多中貴人來致虔於
州官萬廉一不苟亦無所加禮左遷通判州有關稅
悉不問有祖屋諸子孫不能守以鬻貴人終身不一
過祖屋之門也

黃維清字源潔弱冠領鄉薦第一登進士歷職郎署
以才譖聞九江缺知府特賜勅往廉勤平恕治績有
聲卒于官卽家焉

郭居賢弱冠知名博學有奇節以乙榜授臨武教諭
念不得迎養父母不携孥之官日夜思慕泣下形諸
詩聲無非忠孝悵惻之詞有淦川遺稿第宙精楷書
選翰林吉士有時名玄孫楠

楠字世重講易蔡文莊之門登進士授浦江令巡阡
陌行鄉約立社學養孤老建學宮禁治中貴徒黨之

擾民者御史行部訪察奸民名數泛濫楠請量治一
二浦江德之以最擢御史奉命盤覆兩廣倉帑叅劾
藩司之淆亂庫籍者疏薦章拯周用汪鉉陳祥王大
用黃衷劉節復薦三河驛丞前翰林編脩王思通衢
驛丞前刑部主事李中烏石驛丞前戶部主事戴冠
乞量移擢用于時當嘉靖更化之初應詔陳言四事
曰納諫諍曰任老成曰卻貢獻曰均戶口事竣還朝
復上親儒臣開經筵一疏言陛下卽位數月
賢者未必親親者未必賢政令紛拏駭惑衆聽詔許
諸人直言無隱今則言官獲罪詔裁革冗員今則添
設猶故以一童豎之微而阻撓巡城御史以一內侍
之愬而輕拏管閫主事護大臣之短則諫官公論斥
爲非是庇奸人之雄則師傅重臣執奏曲加貸免坐
罰俸二月出巡按順天等四府太守郭九臯以清軍
田忤勲舊巡簡程景貴以盤獲私鹽忤中官並奏原
之復巡按雲南大禮起大小臣多被杖謫戍杖有死
者楠感痛不勝自恨不得與跪門之列上疏乞復學
士豐熙等官優恤死諫之臣或曰公巡按在外不疏
可也楠曰備員言官雖云公出不異在朝朝中有此
大事可緘默耶疏上世宗震怒遣旗尉逮繫

之士民送別至金馬山哭聲震野既至杖四十下詔
獄時夏文愍爲掌科與諸公疏掾而御史朱實昌因
蘇州人異之變交疏請起汪俊爲巡撫楠爲巡按皆
不報遂削籍爲民六年以天變脩省量與一官起吉
水教諭尋陞崑山知縣吳人苦糧長爲禍名折楠斧
言其能破家也其所以苦皆繇富厚之家投充勢要
家人糧得槩免令不敢徵而上役糧長當爲下役糧
長代納逋稅楠一切公正行之卽顧文康家亦無得
濫免自是富人不敢投充勢要而糧長無所害苦旣
陞廣信同知一士人作詩送之有去思在在情何切

莫問朱門只問貧之句其後再遷至南寧守文康公
入相而楠遂乞歸族子文煥

文煥字仲實以貢授高安訓導卒於官文煥自少究
心理學四書易經太極圖通書正蒙俱有註釋間或
發蔡虛齋所未發讀史別出論斷四書學庸口義成
於林次崖存疑未出之前議論多有脗合者所著有
課程切問漳人蔡鶴峰聘居西塾刻而傳之僉憲項
甌東喬稱閩中士子才敏學充不爲不多獨泉士郭
某是非不謬於聖人而王遵巖讀其文喜曰義理純
明經學精到不惟進於理而兼於文讀之忘食至於

家人報食數四不覺也
張昭洪武中以監生知遂溪縣脩學校築堤塘庶務
畢張教養並行

史福字德有繇鄉貢歷事刑部有能名洪武二十二
年遣諭天下武臣比還奏對稱旨遂授兵科給事中
奉勅視鳳陽山陵竣事入朝復有言

納之擢四川按察使方覲遇疾連歲乃瘳及入京師
吏部欲置之法
太祖知其才降授松陽令松

陽民暴而好爭福至痛繩以法召見父老問政所急
有所罷行民咸安之政滿最封懃歸養永樂甲申復

起授河池令未上官時縣幕長凌暴其民民相踵竄

匿山谷間幕長懼以民叛白府聞于藩閩韓公觀觀
卽發兵捕之兵入境福適至民知其爲新令也奔走

來訴福馳告觀曰民寔不反官急租賦聊走避耳觀
驚愕曰不得君言生靈幾禍遂命返兵未幾丁艱服

除赴京時
車駕方北巡福以才能被選扈行

在頃補滄之慶雲令尋卒于京師子鍵雷州府

諸葛文字孟文洪武二十二年以稅戶人材舉補太

學生累汾西泗水靖安安福四縣典史勤卹民隱蒞
政廉平居安福八年秩滿民遮留數千事聞擢御史

以老疾力辭歸杜門不出凡二十年而終族子隆
隆字思懋正統十三年賓興太學天順間授寧海縣
蒞政清謹勞心撫字凡百徵發一循至公民稱慈父
數十年逋逃聞之皆相率復業以母老乞休邑士民
遮留數千涕泣而別子麟駿麟見閭巷

駿字文敏究心經史爲文傳經義以理勝泉士宗之
陳琛李源詹源顧珀諸公皆出其門以乙榜授永嘉
訓導教人以德行爲體舉業爲用朝夕程課鑄冶不
懈永嘉學祠之名宦駿居家孝友周窮恤匱冠婚喪
祭一依古禮所著有易經集說家訓彙編

應科字彌父爲諸生赤貧常自得間有束脯之入輒
以供友朋久困鄉舉就教趙州遷湖口今日坐堂皇
作利民事湖口飢所以賑拯不遺餘力每退則告其
妻子曰吾今日出其政行其事如是如是吾不能取
民間一錢肥潤妻子顧吾所貽豐矣以不善事上官
遷益王府審理益王愛之請於朝以爲長史久之罷
歸應科爲人敦行孝弟其先世自宋及今多有顯人
顧門祚寡瘠墳墓失遺應科跋履險僻按譜尋求家
譜一字一事皆心記手書遇父母忌晨闔門垂涕好
飲酒吟詩所居書籍遍其戶下壁上錄古人雅語佳

話殆遍讀古人詩皆誦散舉自首至尾不遺其一字
爲人樂善諱短有懷必吐胸次開豁笑歡終日時以
比之醉吟居士

張度字孟欽洪武中以秀才薦讀書國學授錦衣都
事永樂初陞監察御史巡歷江左交南有聲初名佛
保及自交南復命 成祖嘉獎爲改今名超陸

江西按察使未任卒從子惠

惠字克仁宣德間貢士正統間爲龍遊令平易爲政
興學育才景泰初處州寇逼境甚急一時鎮守望風
避去惠曰寇至則去退則返吾死不爲也士論高之

從子桐歲貢

鄭懋申名辭以字行建文中知程鄉寬恕廉慎縣有
豪猾吏爲民害懋申首按之有爭訟者委曲開諭其
或未悟令選思維縣民故解知學懋申作新規條親
爲講解自是有登第者嶺南一時縣令以懋申爲巨
擘至與瓊州知府王伯貞齊名一日感疾戒其子及
吏章華曰凡此吾民爾等善視之言畢正衣冠瞑目
逝邑民哀慕昇喪歸塋與漢令曾芳合祀焉
張寬永樂中以貢士授上高典史愛民切至廉潔自
誓日惟蔬食布衣嘗董營造之役雖百千夫無一敢

後邑人懷之

倪惟哲文學才諳見稱選庶吉士授刑部主事以讖獄詳明稱旨賜幣尋陞郎中卒朝廷遣錦衣官旗送其柩歸仍命諸司祭之

蔡惟溥舉進士擢知香山性沉重喜怒不形撫集流民捕誅豪惡擢知欽州興教鋤強勤於撫字一州稱治

劉孔宗字于海少當補伍守胡器試其文奇之送充郡庠既舉進士

成祖命學士解縉選進士二十八人讀書文淵閣以應二十八宿孔宗在選中歷

官戶刑二部郎茂有聲績

成祖嘉之賜以爲

善陰隲孝順事實及先聖賢墨刻宣德初提督營建木植于荊州奏止下楸夫貧難下戶民甚德之遷湖廣叅議山西有警以尚書蹇義薦改山西轉輸調度得宜群小憚其威明構以贓罪少保于謙疏言孔宗律已過嚴流輩寡合坐此生謗事得釋正統五年力乞致仕居鄉謝事不出門者二十餘年以壽終

朱鐸字允學七歲時卽爲奇童子弱冠登第授戶部主事性簡亢寡合退而家居經史自娛請文踵至郡中石刻多出其手卒年九十有集藏家

丘重字德厚有文學以禮部主事與脩永樂大典仕
終南刑部郎中

陳安字克成宋正獻俊卿之裔舉進士授工部主事
以才行聞陞衡州知府屬歲飢不待報開倉賑卹衡
有虎食人移檄城隍驅群虎至其食人者俛首安前
安命杖殺之而放逐其餘丁內艱服闋改重慶久之
患足求歸民苦留之扶曳而治者幾二載竟以老疾
辭年八十卒泉人稱一時士大夫朱鐸長於文章而
安長於政事孫初

初有學行任清江海豐教諭學者稱古直先生曾孫

詔

詔字宣卿隆慶中舉進士授工部虞衡主事轉屯田
員外郎都水郎中出爲淞江按察僉事轉布政叅議
雲南按察副使以病歸卒詔起家工曹董領工治遂
以名其職其始領虞衡有盛甲廠之役廠中財物故
爲中官乾沒所造盛甲悉薄惡詔至一意精核絕不
與中官交權旣成堅摯無齡撞擁不可毀去之萬曆
甲戌而有兩水河橋之役功成受賞賚去之萬曆乙
亥詔領屯田而有脩 昭陵之役 昭陵
者 穆宗皇帝陵也會垣損 上及

兩宮震動詔奉命往脩顧正殿殊完而中官議撤之詔言部尚書請止撤三月告成省帑金以三十萬

上命陞俸一級賞白金十兩

兩宮金

亦十繼而有朝宗橋之役朝宗橋者

上所往

陵道也

聖駕旦暮謁

陵詔倉

卒受事平土固基累石爲墩鑿連竅鉗鐵錠煮糯爲埴調灰錮郤不踰時橋成陞俸一級賞白金十兩去之萬曆丙子詔領都水則有高郵湖堤之役高郵湖漕津也

先朝平江伯陳瑄創築老堤侍郎白

昂繼開康濟越河後人狃安越河忘老堤外禦之力

坐致其壞水入圈田更成一湖淮揚歲歲坐患水而

漕運爲艱督漕兵侍吳桂芳請脩築之仍倣先日王

恕議扶老堤數十丈之東取土以成越河脩補兩頭

舊閘通舟楫 朝議當遣詔詔至則汪洋汗漫莫可

措手曰吾讀禹貢矣欲安上流須濬下源於是放儀

真通州等閘洩湖水注之海濬草灣等口以消黃漲

水落見基堤工興焉所以督之如京城造橋法五月

而工成延袤四十餘里詔曰未也舊堤尚卑當高之

三尺衆曰可矣亡何水漫堤如詔言高之於是水莫

所得漫而淮揚一帶爲安流將報工矣而僉事之命

下而有治海塘之役海塘者濶以西瀕海爲郡而嘉興之鹽官據抱三面無崇山淤渚砥柱其間海水高與城並南自白塔北自乍陳諸山相望夾峙每遇潮輒倒流衝激捍禦稍疏卽湧入內地非特一邑受害而三吳皆巨浸蓋自建邑以來邑治三徙矣沿海故十有八岡盡沒入海直倚塘爲捍萬曆乙亥五月之晦颶風大作海潮洶湧石土二塘衝圯殆盡平地水高三尺男婦死無筭日二潮直抵城下詔受事三日往視塘禱海神採衆議條上撫院言今石塘之石小大異狀雖錯如犬牙終有縫齟潮水淫激石不樸屬無以爲完久宜鉗之以鐵錠小大之石椽使平方疏縫頓疊各極妥帖乃用石灰灌縫調之以糯埴久之灰石加濇水不得入石更以壽督撫是之至購梢基淨泥直入地防始下椿橛椿橛之心實之以石礫使其上如平地深固可以任仍做二塘樣式品字疊砌網而隨之雖陡不立以順潮勢凡用舊石一十三萬三千有餘新石一十五萬餘舊石者舊崩之石也新石則採之嘉湖諸山不專之洞庭慮曩緩也砌石之法詔身指示有不平方責匠換砌晝行夕課無寒暑風露凡築石塘三千五百五十丈土塘二千六百一

十六丈塘外置盪浪樁檣二千六百丈樁檣之外鑄鐵牛十二鎮之內開激浦白羊新河六千餘丈一以行舟載石用省輦輦一以備異潮漫塘有所蓄洩一以開河取土築內土塘使異潮蓄洩白羊河者又得土塘爲障塘河之上酌量里數爲木橋五以便往來兩岍植桃李禁樵採令其植根護土又用夯築土爲陁坡以固之新舊石塘綴連之處不見痕端乃建海神廟築先朝楊瑄祠請朝賜額廟曰南海神廟祠曰報瑄者故淞江按察使治海塘有功者也是塘也
洪武迄今脩築屢興迄無成功正統間費至三十九萬其始役也議者謂當費一十九萬餘後省之至十六萬三千有奇期以十餘年就自詔爲之費十一萬而已經始萬曆丙子之春明年丁丑九月而告竣而杭郡海寧縣塘以乙亥夏月圯二千餘丈督撫復檄詔脩築詔用公帑千九百餘三月而成事於是兩臺藩臬交薦詔任事忠勤經理周至既遷布政叅議巡撫徐栻又奏請開激浦河道以通蘇松復以委詔詔謂大功方畢淞西勞憊議先賑民貧徐調夫役復兩月而成功既遷雲南按察副使而海塘功聞

上復賞金十五居一年以病歸癸未春朝命撫

按科道薦天下致仕官可用者皆以詔名聞而詔卒
 矣始詔上公車時濟河於徐州舟人先夕夢神人語
 曰明有登而舟者他日治水而有成功及築塘時楊
 瑄白晝現形示築法而浙人特為祠祀詔於鹽官時
 時見與楊公並馬出入行塘上也
 朱庚永樂初貢士歷官戶部員外郎居官清謹

閩書卷之八十四

英舊志 縉紳

泉州府 晉江縣四

皇朝

有傳

朱鑑

玄孫梧

安期

于訓

王彥英

陳雅

何觀

張寬

莊琛

敏科

應禎

用賓

士元

思寬

國禎

履豐

懋華

趙應

崔惠

溫良

玄孫顯

楊智

趙珪

莊泰

蔡清

郭濬 莊 槩 莊 榮 趙 瑞 孫恒 恒

子日新 日崇 李 聰 任孫逢 期 李 雍

從任汝 孫繼芳 繼華 黃 鏞 田 嵩

嘉 弟崑 崑孫揚 顧 珀 林 同 張元璽

任冕 黏 燦 任鍾嵩 蔡 祐 子克廉

孫應麟 陳 寧 黃 寬 弟瑗 瑗從任 孫憲清

志清 李 源 陳 永 敦質 會 安

張文應 子天叙 葉 寬 林 鉞 陳 竒

蔣孔煬 從子廷 堅 洪 聰 吳希澄 兄子從 憲

朱鑑字用明父則文見閭巷鑑成童剗股愈父父竟

不愈哀毀踰常力貧奉母永樂中以舉人授蒲圻教

諭宣德初擢監察御史巡按湖廣時副使僉事不行

分巡屬吏殃民無憚鑑請如故事周巡所屬以安民

察吏具得施行梅花崗賊蕭啓寧等久勦無功鑑請

諭皆解散湖湘風俗務外貨殖男女過三十尚無室

家鑑申明洪武禮法旬月之間結親者動萬計考滿

當代右都御史顧佐等奏留久之正統初復命巡按

廣東多所建明欽州叛民黃金廣等嘯聚為毒鑑指

示諄切亦遂向化代還朝命成國公朱勇簡都指揮

等官三百餘員習孫吳兵略歷代臣鑑等書擇御史

有文器材者董其事右都御史陳智推鑑鑑乞開設
 武學以典武科奏可遂為定制七年陞山東布政司
 左叅議請恤軍民凡數十條多見嘉納北虜也先犯
 順 英宗車駕親征遂有土木之變其時

景皇帝以郕王監國陞鑑右布政使尋進右副都御
 史巡撫山西以備邊鑑上言臣聞 聖駕被留

虜庭傾血刺心籲天天高叩地地厚夫千金之子坐
 不垂堂况 皇上生長深宮遠行不過天壽山

近行不過海子裡何至蹈懷愍徽欽之覆轍輕為孤
 注親屈萬策是何奸邪竊弄坐使蹈此危機臣節據

也先剽掠殺虜動數十萬却以請和結親為名夫結
 親不已必索幣帛索幣不已必請分疆土切恐其奸

詭出沒去而復來取而復索若不整兵報復殆見生
 靈不安夫兵法有云千里趨利者蹶上將百里軍半

至今彼寇數千里趨利兵將不蹶我軍以佚待勞反
 蹶上將軍豈無故哉彼以賞罰得專其權號令得行

其志父子相抃兄弟相援所掠之物皆歸私室我以
 賞罰必聞朝廷號令皆制監軍將佐不和士卒無恩

有所得物必解公家其勢異也今以結親為繇遣使
 來京一則覘我虛實以報彼酋一則通我軍以圖內

應既假送

駕為名姑得開關迎接我欲出兵拒

抗彼則指

駕為辭彼謀既深我慮宜遠宜急擇

將練兵暫停中貴監軍假以生殺賞罰重整散漫之

兵復募壯勇之士罄奸邪之積發太倉之陳重懸賞

格厚酬爵祿惟圖功成勿惜國費給賞我軍勝饋外

寇再徵勤王之兵名為復仇之舉指日刻期夾攻並

進也先如果送駕結好寔未可喜虛愈當防宜使收

歸胡黨招回遊騎省去人馬歛止甲兵單人單騎以

來仍令驍將擁兵居庸謹慎防守暫且苟安於今日

再行整計于來年臣又切見太監王振毒亂天下震

驚神器自江南草寇生發皆以誅振為名自侍講劉

球之死中外以殺諫官為諱古云事歸朝廷則治歸

宦官則亡史冊所載理必不誣為厲之階莫甚於此

經曰開國承家小人勿用傳曰小人之使為國家災

害並至誠哉是言可不慎歟

高皇帝與群臣

議事必屏去左右恐泄事機有妨國政書曰監于先

王成憲其永無愆詩曰儀刑文王之典日靖四方伏

望

聖母陛下 邨王殿下念 祖

宗開創之艱將相披卧之苦急立儲君選智勇託忠

義開直言杜權勢早革內侍之權再造中興之業庶

雪前耻以圖後功疏入

太后讀之至於泣下

景帝即位遙尊

英宗為太上皇此時

奉勅專一鎮守鴈門

太上皇還

景帝

勅邊將出精兵掩擊虜寇鑑謂未可上疏曰臣聞帝王不計小忿以安民不尚輕敵以全軍漢高不報平城非力不能休息天下也李牧收保非兵不足欲養銳也也先慕義請和送還

誠報邊境稍靜道路初通為今之計莫若憫賑邊民

委將守備犒兵招逋勸農資稅募入粟廣屯田孳馬

政休養軍民固安邦本虜果桀驁不悛我乃屯田要

地小入則一衛掩擊大入則諸衛夾攻若彼盟未叛

我兵先出彼類覘知不謂搜剔別類必疑追逐他黨

我既失信彼益不靖掩擊之計臣深謂未便詔亦嘉

納焉因命兼往來巡撫山西地方

景帝既廢

太上皇子自立其子為東宮鑑貽內閣陳循

書責之言前者

至尊蒙塵宗社安危非得長

君人心未定姬周輔成故不得已今鑿與既歸曆數

有在委裘而治亦無不可

太子仁孝天下共

知在廷文武群臣共立不能夾輔烏可易置抑僕復

有言

陛下於

太上皇論骨肉則當避

位以全手足論尊卑則當固讓以盡君臣乃藉口防微反爲幽閉珍羞節其日膳雉堞增於宮墻是可忍也孰不可忍循省書怒甚鑑亡何乞致仕歸鑑按廣東激揚風裁平反冤獄粵人春秋祀之所爲出巡錄條教禁約排偶撮切里師長老挈訓童蒙北法家言歷官中外凡三十年諫疏至數十上年八十八卒賜祭塋玄孫梧安期

梧字子琴長文學好爲詩自序其詩曰梧也少好詩旣領薦三走南宮不售思脫去筆墨蹊徑就職爲博士猖狂恣肆喜怒愉快一於是詩雖有瑕釁不屑彌緒緒遷楚令邊雁廢黜嗚呼梧之不達詩窮之矣然梧之不窮詩達之也梧見今人見棄於時則輒憤愠怨尤下者娛財作荒梧之廢也無飢寒俛仰之憂人事奔趨之擾謝絕過從杜門却掃每遭時或林泉魚鳥之適田夫野父之傳出數言紀之長篇短章惟所欲爲又性不喜俗人堆積蠹編于東軒北窓之下日與數千載間騷人文士爲伍光景滿前應接不暇追念隸博士時好而不能專爲造士司政教時專焉未能入今則專而且入死生不足奪况窮達乎梧所畏王遵巖氏見梧贈詩十篇復梧曰奧意險語殆搜

神臟而破鬼膽何但仰參黃陳直將上闖韓孟眼中
何意見此竒特嗚呼搜神破鬼未也竒特然哉遵巖
於文章少許可彼其視一世能言之士直若瓦礫蛙
蟬而許梧若此僞也非真也據以爲信梧其顧長康
哉然有觀梧出處憂樂之際者則詩果窮梧者邪果
窮梧也寧詩窮梧母梧窮詩

安期字子和令清江寬和平易通融一縣丁米以定
糧長而解戶因之不論貧富致起釁爭時旁縣新輸
均徭屢派莫定縣令偶乏上官以委安期安期以行
之令出無譁者訟至片詞得情不事呵扶亦無贖錢

訓厲諸士邑中多有取科第至達官者陞工部主事
歷郎中出爲四川僉事開鎮安綿治兵繕糧具有成
籍使可稽守轉貴州叅議調廣西僉事道過清江蕭
灘民遮留信宿人以方何武竟罷安期嘗與其族子
天應論學以爲居官作人之法盡於君子尊德性道
問學四語輒自媿悔以爲不能實用其力以故齟齬
當世而世之人亦鮮有能全之者
于訓字國葵署教許昌擢浦江令直已便事靡所掣
肘上官如衛如張頗操束濕獨于浦江一切寬假直
指彭行部至婺謂監司曰吾廉朱令大德民勉之哉

勿以資格自限屬台州丞缺將徙浦江為之疏未上
直指坐事歸擢守崖州過家行期屢徙尊人恠之乃
知其橐裝不備抵州念夷雜處釁生市易亟下令太
守所以來固將安之爾詐我虞三尺是徵自是夷守
黃龍之約晏如也後為柳廣二州同知皆有聲官卒
王彥英舉進士授行人陞吏部員外郎遷山西布政
叅議卒于官持已端慎能聲著聞

陳雅永樂間貢任宣城丞愛民潔已縣大旱引罪責
躬枷項自署曰皇天不降雨陳雅不開枷靈澍尋應
縣界蒙澤

何觀字

能詩善書景泰中以書選為文淵閣中

書舍人疏言吏部尚書王直當正統之時與二三大
臣阿附權奸比周中貴人王振錦衣帥馬順土木之
變振順皆死今直等居職如故是皆欺君誤國老猾
不宜置左右又言諸來朝北虜宜盡驅置之南方沿
海地絕其往來毋使為虜謀耳目疏奏忤旨下六科
十三道看議直與諸大臣啣觀甚嗾都給事中毛玉
重劾之王疏觀誣罔大臣擅開邊釁宜明正罪其時
葉文莊公盛林莊敏公聰亦官給事中二公同至玉
所救解請出劾疏閱之玉曰 上趣急閱恐後

二公固索乃出示之文莊讀畢謂玉曰何舍人安置北虜之說誠然疎也顧實繇指斥王公至此且其辭連權奸以故益激怒中貴人耳劾疏草當更玉曰

上怒甚不可更也文莊再請玉因附耳語曰何舍人滿考不遷憾吏部爲此此王公意十三道諸公亦此意業屬草矣玉固不屬耳文莊曰近

上大開言路未嘗罪一言臣何君雖忤旨尚令我曹看議此甚盛德且夫王振馬順小人也劉球之死天下尚爲口實萬一雷霆之下稍有不測則

上受不能盡言之名而實吾儕導之且吾儕方居言

路寧不自爲謀邪固取筆稍抹去其

劾語

入于上令錦衣衛杖觀百視杖者門謝二鎮撫亦頗護觀得不死謫九溪衛經歷稍遷象山知縣辭歸觀爲縣有惠政既歸象山人數百送至閩界上隱古玄山作書自娛嫁女無以充奩草書一篋付之觀沒子孫單窶郡人莫知觀者萬曆戊戌守寶子偁白學使送祀鄉賢祠檄下有遠孫一人隨主入學則習司馬季主之業者也

張寬四擁皋比以醇誠博雅爲名博士所至與諸生講易娓娓皆性體心宗臺使輒署上考而耳隱乞休

嘗自題曰質不美皆困學而知貌不莊唯正道自持不敢虛天之賦予而尚敢較位之崇卑有司爲立坊表曰狎霄

莊琛字廷璽宋莊夏之後也研精經傳子史尤工四體書永樂甲辰入貢成均祭酒爲陳公敬宗以琛筆法適勁乘傳簡進中書繕寫誥勅正統己未授官大理右寺右評事奉命賑邊道經武邑邑令長博士乞書夫子廟額以綵纁白金致謝琛却不受廷臣及翰林學士長洲劉鉉諸先正聞之皆嘆曰莊大理當受不受所不當受寧受之耶擢廣西按察僉事於

謹上下咸宜景泰癸酉詣闕行慶賀禮事竣乞歸卒琛生平篤孝遇二親諱泊已生辰悲泣終日或有珍味潛然不御曰昔者吾親未嘗享此

敏字威儀嚴重喜怒不形舉進士任吏科給事中骨鯁持大體景泰初出守雷州當官靜辦無爲而事理

科字由矩教長沙平湖二學擢知開建縣崇學教闢田野興利除害民懷政教峒徭嘯聚攻城科整衆登陣露刃持滿賊趑趄不敢前賊退人以多科功科曰禦寇之道安民爲本令民心完固何賊足虞於是詢

民所甚利害爲之因革民告便而徭亦伏以才改任
順德處劇以暇尤見其長歷南京刑部郎中終高州
府知府諸任應禎

應禎隆慶中貢士爲諸生時好學執方燕私無怠惰
之色貧罄絕寒乞之聲晚就貢途守官闕下上書勸
學留中不報兩宦東粵爲博羅教諭却貧士贊諄諄
善誘罷官赤貧仍開館教授如諸生時以壽終

用賓字君采亦敏族也舉進士授行人轉司副遷刑
部員外郎出爲浙江僉事爲人慙直見不善人發憤
叱呵之坐忤俗早廢其罷官時年三十一耳當用賓

之爲郎也冢宰某貽藉屬官屬官者賓族人賓走詣
相張文忠前陳其倨枉意旣憤懣又操南音格格不
可辨而冢宰從背至不知也至浙餘姚令顧存仁以
亢直得謗力爲湔雪其後存仁竟擢給事中用諫顯
上虞丞倚齷使私人貪恣不法亟暴狀黜之學宮壞
言於御史議修葺御史謂疏動帑金非便用賓曰院
移某道餽某鄉士夫金若干果皆疏動耶御史大恨
試諸生得袁文榮煒首拔之文榮間一候謁用賓曰
吾取若文若奔競耶令隸擁擊出其慙直忤俗多此
類矣御史報命論調用賓而太宰某從中覆罷之旣

廢居家為里中言利病於郡邑大夫有敵以下所不能受而用賓發舒媿媿間用以得禍亦竟解其所居里在青陽山下一鄉之人皆信且畏其許治鼠狗盜甚嚴鄉中絕盜嘉靖之季島夷內訌直薄郡城下城門閉被寇者擁不得入哭聲震野用賓與諸公分門守請開門直納之而身與弟用晦募鄉兵三百後先殺賊賊大恨剗用賓父塚剖屍去用賓用晦徑走賊壘奪父屍出用晦竟死賊中撫臣以聞久不報而用賓亦卒矣萬曆二十二年倭寇朝鮮去用賓殺倭之年四十餘矣子鳳章請闕言狀

上方欲錄言

年學倭者以風勵材勇詔贈用賓太僕寺少卿官用晦子百戶予世襲春秋祠當鳳章請闕言父狀時留滯數年資斧盡罄扣訴不已人謂一介書生柰何言父四餘年功覲天子恩盡迂咲之而鳳章竟得請人亦稱鳳章孝子云孫際昌萬曆己未會試殿試皆第一人謂陰德之報諸弟士元思寬國禎諸侄履豐具見下際昌見永春

士元字君聘童年端重閉戶下帷言動具有繩式人謂莊家顏回會試第二人成進士授廣德知州輕徭省訟勸禮興學農隙料丁壯繕城堡時師尚詔寇中

州渡河而南州持無恐其仁愛清約與前守歐陽德並稱轉刑部員外郎值己未會試檄入簾得邑中士林奇材亦列名第二而王世懋敬美入其彀中給事吳時來論劾分宜相逮詔獄士元爲理欲全貸之吳曰非德愛也免死幸矣乃擬戍相怒甚持奏四日不下畏公議不敢格轉郎中慮囚東廣道卒無子

思寬字君栗左目重瞳每讀書片晷輒默記數千言登第後益聚讀古今書忘寢食傾橐資鬻不足至解帶易之授鄱陽令重風化時訓飭平斗衡均徭賦寬積逋禁溺女建廟學興士類時時以安分知幾教其

民每出民繞車前後若依慈父母縣亭傍植竹百餘竿其筠幹上盡有壁崖竹三字池荷忽挺雙頭花結實並蒂土民以方之虞城漁陽壁崖思寬號也遷南戶部已遷刑部郎出守建昌書柳子橐駝傳于壁以示僚屬僚屬相率爲清靜卒于官百姓痛惜之後三十餘年南城人丘澗來守泉顧其誥子甚厚曰非私莊公孫子爲建昌報遺愛也思寬能文工書兼善寫竹

國禎字君祉年十三就行省試爲分闈者所賞格額不獲選直指愛之甚召與鹿鳴之宴二十三領鄉書

二十六而成進士舉於南宮列名第九云初授會稽知縣此時分宜相在事墨風大熾當上賦行省賦長以例金數百進國禎叱曰胡爲者耶有復我扶殺矣皆相顧咋舌乃有此人國禎爲縣不費民間一蔬一茗歲時修禮上官通諸賓客不廢敬而已民有訟至召其鄉三老與俱來不攝之臨讞出數語立剖剖竟立傳爰書手示之不終訟者聽有趙日新者諸暨人也年二十爲邑諸生其族有以椽得寇帶者故饒貲子姓又衆族人皆逡巡事椽而日新之父從其子爲諸生後所以事之不如昔椽大恨會其鄉人有以久病死者夙於日新有睚眦椽嗾使訟日新格殺之而身率族人爲証更數官無能白國禎始見日新心驚是孱然也而能手殺人旣擘獄詞文致甚未有決也旣就讞令言日新不殺人者左言其殺人者右衆皆趨右中有衣綈一人曳履過大言曰日新信殺人明府亡疑也國禎念族有一諸生也卽不幸扞法猶當隱之而何証之疆衣曳履者椽也遂趣大杖杖椽曰汝實証日新椽爭之強而國禎杖之痛諸趨右者皆竊竊相語咎椽國禎微聞之乃再問曰汝曹今尚右耶抑走而之左皆匍匐進微明府我曹乃不敢言因

備言緣所以而日新得無罪國禎舉進士所主會試者袁文榮煒文榮慈谿人家距會稽不數舍其內戚管夫人第將之京挾舍人子俱假符傳所在要索過當徑東關憾其丞所以奉之不如意持馬箠箠丞破額流血郵人被重創以十數國禎曰是尚有三尺哉亟發健卒捕之笞而繫之獄諸上官聞之人人頽足曰莊令書生也不解事乃爾直指使者張爲檄郡中徑山繫者繼張爲直指者龐尚鵬銳意行賦後條鞭法長吏無有任國禎獨推而行之邑大稱便而龐緣以推之全浙此時龐知國禎矣方國禎之繫治文入子也文榮聞大恨令也而又我門生一至此乙丑當大計俛罷矣其時故冢宰陸光祖爲考功郎力持之曰是令也寓內少雙必罷令郎請解印綬而御史大夫王廷亦力薦之乃得免明年文榮沒召入爲戶科給事中轉工科右給事中出爲浙江按察僉事轉江西布政叅議廣西按察副使鎮永寧永寧故古田縣也自帝銀豹等平後進爲州國禎至銀豹之族輩很要者復糾永福陽朔徭以叛國禎設購生得之洛容永寧永福柳城諸徭峒不靖悉歸平撫改督學江西景遷右副都御史巡撫江西會水請准改折南北

漕糧二歲其明年復旱又爲江西人請全折通計可
百餘萬石俱報可擢南刑部右侍郎召入爲戶部右
侍郎以母艱歸遂不出國禎坦夷樂易寬然爲長者
守官力職循級而登不借交養譽與人語好稱引國
家典制前輩長者節槩行誼旁及今昔人情風俗善
敗汙隆之變聽者悚然有所感動子懋華

懋華字仲瑋仕終湖廣布政使有文學儒雅厚重不
動聲色

履豐字中熙祖一俊浙江叅政善爲長句以李青蓮
白樂天自詡黃克晦頌之其詩花前八斗二三醉爛

下千言頃刻成者也履豐承其祖父家學無之才情
濬發詞藻英麗有所結撰和墨伸紙一筆數行至於
間遺尺牘率爾成章輒盈楮札舉進士讀書中秘一
時推重其孝親友第敦切懶至雖僕夫下走無不歎
羨出交士大夫間揄揚推挽不遺餘力或聞有過蓋
覆周旋如其自計惟恐失名而喪位仕終脩撰卒第
履朋豪邁自喜孝廉時與予及予兄齊孝宗伯楊惟
彥貳車李世禎文字相砥泉人以五子目之

趙應字孟敷弱冠入邑庠以誥誤謫爲吏宣德間授

南昌昌一作安典史以薦擢知浮梁縣拊教士民創懲狡

循縣有青峰渡灘水悍急歲患覆舟應具牲醴爲文
 祭之其患遂息滿九載民相率乞留陞六品秩仍知
 縣事再滿秩丁內艱除疏乞致仕年八十四卒
 崔惠字廸吉宋崔珙之後正統末教諭石城叛賊陳
 椿陷縣執惠逼之降惠罵不絕口驅行里許賊燬草
 營遂自投於火中

溫良字元善通易詩禮春秋四經酷嗜六書兼精畫
 筆舉鄉試讀書國子監祭酒蕭鎡奇其才

駕陷土木朝中有南遷之議良疏言宜守北京并陳
 饋運通州糧草入實京師等五事戶部尚書金

於朝不報尋取戶部書奏良書法既工復性行和粹
 景泰五年大學士商輅薦入國史館預修宋元綱鑑

英宗復辟大學士徐有貞等同薦入內閣典
 誥勅授中書舍人復以薦入直文淵閣典制誥預修

大明一統志 聖烈慈壽皇太后 英宗
 睿皇帝先後祔廟並良填主賜寶鈔白金紵絲

憲宗即位以充經筵官預纂 英宗實錄奔
 母喪歸尋沒學士柯潛稱良書朝廷制誥雖慌速之

際神間意舒學士李東陽羨良書法有李北海趙文
 敏之風玄孫顯

顯字公宣九歲登清源山見人有延本州上山者輒
 大書洞門曰州有清源世無清官人殊奇之登進士
 授戶部主事凡有關門之後可脂膏自潤者悉辭堂
 委嘗一解餉密雲必求足額乃行以散軍士權聲如
 雷後復有同官領解餉者四人至邊軍士相語曰何
 不撥吾曹温公處也轉員外郎卒顯有文學善字書
 下及奕碁蹴鞠之戲亦皆精妙

王和天順四年任程鄉知縣時巨寇羅寧等相繼作
 亂和密計領兵勦殺之民賴以安

和郡志無名潮州
 作泉州人必監生

也姑
 附此

楊智字思明成化四年客星變慧智時御史南都言
 妖彗示變災異迭至自非君臣恐懼旁求直言改革
 弊政進君子退小人不足盡應天之實宮闈事臣不
 敢齒斥省察裁處是在 陛下若在廷大臣則
 有可言如南京守備成國公朱儀叅贊機務兵部尚
 書李賓俱以瑣劣濫寄根本設有警急曷能支持吏
 部尚書章綸從事先朝貞忠自許掌銓以來功名損
 舊如以子玄應冒貫京衛軍餘僥倖薦書欲求事君
 可先欺君刑部右侍郎王恕生平砥礪到任本月即
 托本部郎中黃紱娶故劉指揮妻旻為繼室名為大

臣可偶孀婦工部侍郎范理外似純朴內實奸貪大理寺少卿金紳昔公營私詳駁失當應天府府尹畢亨善政未聞緣實陞用衍聖公孔弘緒驕恣恃恩無度荒淫此皆妨國病民法所難遠望

陛下奮

乾斷嚴黜責庶可答天戒安人心下刑部覆奏命禮部右侍郎葉盛刑科都給事中毛成往按事皆不行成國公儀啣之日偵伺智冀中以他事會當郊祀智赴內府光祿寺點齋日尚未具儀令人鑰禁門使不得出智因宿內臣舍旦門官發其事守備官以奏有旨械京問擬降三級爲廣西布政司照磨久之轉化

州知州卒于官黃仲昭稱智醇厚恭謹平居春風襲人義激于中則如秋露烈日凜不可犯歐陽子所謂氣剛色仁思明有之

趙瑤字德用宋宗懿王德昭後也成化初領鄉薦第一明年第進士授官刑曹同考會試擢廣東提學僉事卒于官瑤幼孤力學妙契疾書身體力行造詣淵遂爲人重名教尚氣節其擢廣東時便道過家羅文毅公倫謫官泉中造瑤談學豆肉孟羨終日乃去至廣東訪陳文恭公獻章之廬質以學問往來詰難不苟爲同獻章論學禮文雖不可不講然非所急瑤貽

獻章書浙人正以胡餘于不教人習四禮爲疑何得
輒開斯路獻章更號海雲瑤書止之謂其流於禪號
獻章曰羅一峰死僕哭之慟以爲自今而後不復如
一峰者今乃有執事也嘗登厓山見張弘範勒石紀
滅宋年月題詩其後曰忍奪中華與外夷乾坤回首
不勝悲鑄功勒石張弘範不是胡兒是漢兒時人稱
之瑤旣尚氣節又名知文其同考會試得謝文正公
遷卷薦寘選首以郎故爲翰林諸公所歷而瑤批謝
卷曰狀元拜相必此人也試文瓊州取應試士前列
願時時語人曰應試士雖在前列將來受用乃不及
下等者應試士竟以渡海失舟而不應試者無恙人
服其鑒

莊恭字儀甫爲諸生時從莆吳仲珠學而與黃仲昭
友旣登第授刑部主事給事中韓文等以論
兩宮事被拷訊恭首疏廷救之陞員外郎出爲江西
按察僉事風采颯發雷擊斧斷行部南安上猶令望
風解去入與試士得豐城楊庶於落卷拔擢之成化
丁未顛寇大哄禍延閩楚粵三省朝議知恭負文武
才陞爲本司兵備副使踰月巨魁授首建昌瑞州寇
復作間有長鬚善妖術者能騰空隔陳勢張甚恭用

厭襮法出奇殲之前後俘馘無算餘悉平定安輯捷
聞璽書嘉勞賜金幣寶鈔凡三南城張昇廣昌何高
新爲鄉邦計咸請卽本土超擢爲藩使或觀察使會
丁祖母憂歸卒恭孝友無間待人情禮備至善物色
後進識蔡文莊於童年期以大儒見李文祥指爲年
家錚錚所交遊來往惟周翠渠瑛張東海弼雍康僖
泰數人當 憲廟時闈王直幻術李孜省取用
事而孜省江右人也屢欲得恭爲重恭絕不與通年
位不滿世人惜之孫如愚新興令啓愚肇慶府教授
並有聲

蔡清字介夫成化十三年舉福建解元晉江之山鳴
如玉磬者三日自幼好學悉求道畧仕進旣舉進士
病告者久之講學水陸僧寺江南之士多來從游他
日爲其母寫容母歔然曰吾聞母以子貴今汝舉進
士有年矣吾猶故巾幘清聞言大哭促赴選得禮部
主事是爲弘治初元吏部尚書王恕稔其學行奏改
爲吏部稽勲主事時與談論諮訪清因上管見二劄
於恕言今朝廷之患在紀綱廢弛以至士風日弊民
力日屈當大有以振作之乃可銷境內之憂靜疆場
之警又薦引名士劉大夏等三十餘人恕皆納用度

吉士鄒智論事下獄罪且不測刑部尚書何高新方
在告清詣高新強之出高新即疏救智得謫官嶺南
居久之丁內艱服除吏部有不悅者以補禮部祠祭
司員外郎乞便養陞南吏部文選郎中一日心動乞
終養至家兩月而其父沒人謂孝感清每遇親忌痛
哭流涕終日不御酒肉宗族內外有貧乏者恒賙恤
之死而殯葬之撫其孤門人貧者亦常衣食之嘗曰
天地間物當與天地間人共一介不取士當然也一
介不與故未易耳蓋仕宦之入屢空而不暇自計正
德改元即家起江西提學副使時宸濠方圖不軌凡
朔望藩臬官皆先朝宸濠次日乃謁孔子廟清至之
請其僚同日行禮先謁廟後朝王宸濠生日令藩臬
官着朝服賀清曰臣子見君則朝服無見王者去鞞
而入宸濠大怒一日與藩臬官侍宴宸濠嘲清公乃
不能作詩清對曰臣平生於人無私蓋私與詩音相
近宸濠益啣之其後奏求護衛同官有傾清者謂清
獨有後言宸濠聞之欲誣以非議詔旨之罪清正色
對遂疏乞致仕宸濠尚陽善挽留之且欲以女妻其
子清力辭歸時劉瑾方專權駕引名士以掩人心不
數月復起爲南京國子監祭酒朝命未至而清已卒

清素羸弱而色清氣和外閒內辨與論天下古今一
以禮義折斷其言剴切而精深其淵軌貞風使人妄
消躁息其學初主於靜後主於虛謂天下之理以虛
而入亦以虛而應因以虛名齋嘗爲密箴不以示人
積久至五十條皆自斲自鍼之詞兢兢然惟恐慙負
天地君親得罪師友其言曰學宜養正性持正行虛
心涵泳切已體察八字要訣也又曰宋儒之道至朱
子始集大成朱子之學不明則聖賢之道不著故與
其徒著四書蒙引易象引諸書皆推原朱子之意常
置燈卧榻之傍或夜分與諸生講論寢後思惟有得
皆亟記疾書友善審永貞林俊孫交楊蔗丁璣江朝
東而師事何高新其言易則師三山林珙傳其易者
則同邑陳琛至今天下言易者皆推慕晉江弘治間
士大夫理學中輟永貞蔗璣朝東與清皆崛起稀曠
之後而清與蔗尤爲獨得云萬曆中僉都御史詹仰
庇請易名賜謚文莊大學士李廷機復爲請贈贈禮
部侍郎

郭濬成化間貢士任遂安訓導有士行

莊槩成化間貢士知信豐縣有風槩

莊榮字本深正德中任吉水訓導與諸生講經多從

之者陞頼縣教諭

趙瑞字惟德少通春秋不務俗學而能得聖人之意著管見若干卷既登第以戶部郎出監薊州太倉黃土諸倉壩上御馬諸廐臨清鈔關皆秉正執法常祿外不入一錢返泉中囊僅二十金至洛陽橋命兒子納之鞞中曰倘有開篋者毋謂吾臧物乎其廉潔謹畏如此初瑞出監倉時其家中蒼頭戲射矢中皇城旗杆錦衣捕治之連及瑞瑞不敢辯而

孝

宗皇帝置不問瑞遂乞歸人謂瑞有天造而稱

孝宗仁聖云

恒字志貞舉進士乞教職得袁州府教授遷國子監丞改南都遷南戶部主事進爲郎出同知浙江鹽運再姚安知府恒少有幽憂之疾如許丞杜徵故雖以博學名德知名當世終出守孤遠郡亦竟棄去恒去姚安與其郡縉紳曹黃門書曰某海濱賤士少而疎任長有幽憂之疾其不足以用世不待人知之雖某自知久矣然所以歷宦中外竊祿十五六年未去者非但以老母在堂因循升斗間也某少八九歲時父母貧教之于祿使授書於塾師師謂是兒俊利當有以折伏之一日跪之庭授之千餘言成誦命之起又

復授千餘言又復成誦頃而所誦者數千言師爲一笑罷既年十五六自謂此非所以爲學則又間取書中一二窮日夜思之至忘寢食不輟人曰是子病矣掩耳勿聽也人曰是子惜矣某不爲輟則又日求當世兵刑漕運錢穀之書而妄折以古人之意謂必如是而後可以見之於用人相指笑曰將以何爲不顧也然自某在官也吏人抱牘滿前積之盈尺俯而讀之能四五行俱下仰而思之次第對人不中冑縈者鮮矣嗟乎此所以病也而亦所以不病也某教江西時屬今總制舜澤蘇公評其文謂人曰才子才子

自別乎其愛某也眎其子爲丞南太學三年而當今吏部松溪公之爲祭酒指諸生謂曰當觀繩愆君之經濟爲主事而司倉場之出納存乎留都士卒之口者不敢自蔽也眎司篆歲餘則嘗申部運之規而來十餘年不至之方面磨算於部庭卻咸寧空運寄囤之折色一日而爲空虛內帑留萬數之儲穀米不足濟以金金不足通以穀米司徒公陳芹山旦夕立之於傍筆而與語前後章疏數十上必出某手而後定他人不與也謂軍士不宜俾輕易得後湖之版籍以詐害於非其鄉其族之村民駁回參贊之堂咨因而

大詬某於六卿之前進退自如也已而自後湖來者盡得軍人之情以復於參贊公而後嘆曰吾固聞趙正郎今不復訝矣某又欲疏爲江浙復布絹折色之規以蠲內侍之誅求一時寮友爲之動色疏具未上而得運同之報芹山再作而嘆曰竒才難得某爲出涕翁在邊陲則某仗劍來矣翁在台司當爲翁及門而獻策翁不以爲狂也某聞天之生人有所限亦必有所縱君子之用人有所用亦必有所棄如某者若棄其短而用之則亦何遽出人下哉今得滇南六七里之郡遠在萬里外鳥獸犬羊之與居尋常自好者薄不爲也乃不自愛重屈膝於諸公之前中心耿耿亦以宇宙內百年此身思竊自見分毫於後世耳今未察其志氣施爲之如何而其眎之也譬猶鼓策播精以食於人如莊生所稱支離流者此某所以燈下自憐撫劔而歌恨蚤不焚告於逆旅之庭掛冠金馬之垣而去者也又與張中丞論封閉大理府巖書曰昔諸葛忠武之鎮蜀也指揮十萬之兵手持三尺之權杜微者蓬藿枯槁士耳一聞其賢禮而致之知其材勸之以仕因其有耳之疾索筆問答焉微之功名未著于當世行誼不見知於士大夫陳壽因之爲微

立傳不著微之所以爲賢而獨詳忠武之禮微以爲大臣盛節夫忠武治以大德不以小惠豈有所假借區區微哉小子某者七仕而名不稱萬里而見逐一日不釋躡履伐薪于埜中寄食逆旅之館其爲道至窮而分自卑也仰惟閣下憐其所繇非得罪于清議察其平日若可與論於治者辱改容之禮無以異於採薇之臣出疆之使遠及于千餘里之外旬餘日之間未論小子某之足以當微之賢而閣下之心真不異於忠武也竊謂閣下以此心而加諸賢士大夫誰不樂爲盡心以此心而加諸夷漢之人誰不樂爲盡力者哉某行矣敢輒有言雲貴二省爲軍士害者莫扛擡爲甚扛擡之害莫如貴州之害之甚也一軍之給月不過四斗耳四斗之直爲銀不過二錢耳一軍一家衣布之費與日用薪鹽之費勢非自致不可也一人之傭日可得銀七八分卽一軍之後于官者月不過四五日於我猶不爲無負况乃至乎十日與二十日哉雲南以一省之軍供一省之後猶云弗堪而貴州乃以一省之軍供二省之後卽雲南之官其爲行李衣裝一無以異於貴州之官猶不免重累貴州之人况乃又數倍貴州而不超者乎原其所繇一官

之尊而貴者其爲行李衣裝多不過十餘擡而已耳
即使節行不修之士其爲金銀寶貨之擡不過倍之
而已耳而乃至於倍之而七八十甚而至于一二百
何哉大理之山所產細石狀如山水或爲人物大者
鑿爲琴瑟床卓小者可爲杯盤礮鍾楚雄雲南諸郡
產銅最多用官價買之斤不過一分耳及其造爲爐
瓶器物則工人之資不過再加一二分耳此二物者
其爲價廉而易致而其爲重則至難負也郡縣之餽
遺爲未足而採辦之人日下于諸郡一時之搬運爲
未足而僮僕之先後鄉友之搭附不絕於道一方之
遞送爲未足而問道之出于某衛某驛者相望也蓋
一站之軍不過五六十名以五六十名之軍旣不足
以供七八十擡之用則五六十名之外皆典賣兒女
以應之者也噫亦何忍至此哉聞先年虞山陳先生
巡察時議封山石不許採取事下中輟至今恨之而
今造作之功愈巧則採辦之人愈多若封閉之議與
官署鑄銅之禁俱行則爐錘之聲寂于藩臬和買之
令息于市井一人之行可省數十擡則一站之夫可
省數十名將川湖吳楚諸道之民莫不鼓舞稱慶不
但二省之軍畧有息肩之日也恒之留意當世此又

其一斑云恒習春秋所著有春秋錄疑習春秋者宗之爲古文詞淵源司馬而條理於歐陽文忠年七十餘尚秉燭讀書年九十四卒子日新日榮日崇日新舉進士知分宜縣下車會檄賣嚴相籍沒產牘版繁錯黠胥乘日新初任計於中漁利新受簡一目無遺寸田尺宅莫敢眩舞徵賦聽民自署多寡投匭中毫無溢羨革押班役最便宜民鞠訟發摘若神某甲子愚鄙奉母不能得懽母驟病卒里人以懽逆誣之訛削殆盡而實非情也日新從郡城歸過其里假寐輿中若見婦人爲子訴首末甚悉亟呼訊之爲昭雪它竒政多類此後竟爲奸民造蜚語左遷旌德諭後稍遷至工部員外郎日榮尚氣誼以貢爲沛簿日崇字因甫任南康令治民如家閭閻疾苦纖細皆爲區理立文會創學田以興士類擢應天府推官積年滯牘剖決無餘請托不行忌者中之遷南刑部郎復謫新城令其治一如南康未幾以親老投檄歸李聰字敏德自其秀才時則器高意遠精葦燁燁摩盪雲霄讀易之外詩書大小戴胡傳綱目性理諸書甚習微醺境靜琅然楚騷數章時步其體跌宕凄切

聞言官抗疏不屈輒中宵起舞凌寒賦詩所著有易經外義發凡別要鑑斷若干篇蔡文莊手標之曰大眼目也領鄉薦讀書國子丘文莊濬爲大司成曰可秀才世史正綱初落彙遂手授之登弘治進士賜禮部宴主司楊守陟特名而賀曰場屋中如公是有數文章賜歸省授翰林檢討備雍王府書堂尋出府拜長史丁外艱畢改吉府前後啓王以講學法祖進賢遠佞章凡數上旣以母老乞歸正德初劉瑾搜尋家居違限率罷之聰亦在罷中尋有詔起用竟不起鄉人稱曰古李先生姪孫逢期

逢期字維徵學以不欺爲標領孝弟爲累自整齊嚴肅爲步趨繇貢士授灑水訓導擢九江德化教諭寧波府教授以禮讓風士士胥化轉鎮海衛學寧波人奔送百餘里數日不絕終吉藩紀善祀四明名宦李雍字欽讓舉進士未謁選請告歸養親終出任廷議以雍篤孝清苦特薦吏部授驗封主事時人謂之赤脚吏部轉文選郎門無私謁正德初逆瑾煽禍時時欲樹置其私人雍介然抑之爲附瑾者所忌出爲南寧太守時在吏部已九年矣臨行蹇驢敝笥而已至南寧因俗爲政不立赫赫名值歲艱請于朝減民

祖十之四瑾誅清聲暢蔚擢廣東叅政會炮鼓起巡撫都御史林廷選手書致之雍躬履戎行不遑啓居遘疾于電白官舍南寧人祠雍名宦載之郡志從侄汝嘉

汝嘉字士美舉進士授戶部主事有貴幸侵民田者朝命覆之得實奪以歸民權湖湘商舟清兩廣財賦搜剔奸蠹無敢私于陞員外郎尋陞金華知府道間母喪歸服闋改衢州修建郡邑二學均徭役賑貧乏葺武備雪冤滯建橋梁衢人頌之後陞浙江叅政致仕汝嘉博學能文氣象巖巖初見若不可親久則見其誠盡不能舍去家居時丘文莊濟富國獨知之每見泉人問居起自惜當事之遲不及畝以大其用孫繼芳繼華

繼芳字克奕以乙榜授六安州學正時唐順之巡撫兩淮召之講學間談時事大致鑒賞擢乳源令嘉靖甲子粵中大羅山賊流劫至縣時大動官軍征勦繼芳牛酒犒師激以忠義百計捍衛將士感奮所向克捷陞刑部主事轉員外尋陞貴州僉事備兵思石水西土酋安國亨爭立構變繼芳力主撫議安氏懷畏終繼芳任無敢譁後以貴州叅議致仕壽八十餘繼

芳醇深有度簡靜自守老與親友款款竟日酒中纒
纒出所記憶與處者皆得意忘歸

繼華萬曆丁卯鄉薦知始興縣履畝融賦以從輕減
朔望對諸生講解所著有四書日講更調其貧乏完
聘其無室家者始興人載之名宦

黃鏐字于宣舉進士授南戶部主事轉禮部郎中擢
守思恩軍民府思恩故土官岑氏世治初改爲流民
夷雜處餘孽時跳梁鏐至悉擒捕之仍團結保伍令
民緩急相救增設縣治定稅均徭建學置驛治如內
郡移守桂林丁艱卒兄銘同榜官戶部員外清謹

田崑字景瞻授南戶部主事擢南吏部驗封郎中尋
陞寶慶知府顧璘華玉以詩贈行有默默長埋采察
察獨守玄知音空四顧立德眇孤鶩之句崑守寶慶
戢岷藩校卒以法楚地閒曠教之樹藝發金鄰郡糴
麥種千斛與民歲大饑發廩施粥以親老乞歸行至
渡頭見一老人偕妻子挽車泣曰公去吾民失望矣
詰其姓名罷後老人也少頃袖出青楫跪獻道左且
泣且送固辭方歸崑因嘆曰我罪者猶不我怨方知
直道不遠高子羔則者之事不誣也家居築室城北
息機頤氣終日如禪定泉守王士俊以崑與司徒顧

珀尚寶少卿李源郡守黃偉立善俗坊四達之衢以表之第崑

崑字景玉居常以豪傑自負初授均州知州值凶歲軍興多方撫賑武當山鎮守中貴貪虐甚崑力制之為中貴所啣故事州官朔望謁山道士當出迎他日中貴故令道士不為禮以激怒崑崑果怒笞道士中貴遂毀醮壇萬歲牌誣奏崑逮繫至京逆瑾用事構成重獄大理卿燕忠疏雪其誣得削籍歸均人謠曰太守憂民抗猛虎直道難容棄如土晚隱龍溪之上有志神仙之術或連日辟穀或一月蓬頭時舟時杖時背黃犢時羣白鷗度幾旦暮遇焉孫楊

楊字廷獻舉進士殿試進御已寘及第矣

世

宗閱其名曰田中不得有木移置二甲第一授禮部郎終廣東叅議奉命採珠同事者分貢上餘珠可十大勛楊取而投之井

顧珀字載祥少而忠信好義弘治中舉進士除知虹縣丁父憂民曰虹人無福顧公去矣服除補旌德察疾苦擇行便利訟獄立剖必以情鄰邑淹繫咸來質勤於積貯寧國一郡歲饑獨旌不害擢守和州復罹大饑不俟申詳倒倉庫賑恤巡按奉部檄督漕甚亟

珀計民貧無措召富商諭以大義悉來輸貨秋成還之商民兩無所累州有蘆課故屬諸大姓課官莫誰何部使者日督過欲自經死珀曰母恐立召諸大姓諭之皆諾乃爲嚴立限北而濟以寬皆無敢後以治行旌坐嘗忤劉瑾僅擢南吏部考功郎丁母憂服闋除兵部武庫司諸司薪隸舊以衙門大小有所軒輊珀一例分給收倉廩俸米除斛面杜侵盜納戶便之京衛勾解積猾影射爲奸珀取戶部月支冊按對無所得弄手軍士有功陞職官原籍多解丁補伍珀請查黃印綬監實者將戶丁發回原籍當差免其重役

蓋珀爲郎當正德頹綱之日執法秉正獨冠一時陞湖廣布政叅議督儲起運錢糧及王府祿米衛糧餉節年負額幾倍珀設法綜會賦以不虧瀕江屯田綠岸圯損額珀覈累年拖欠軍士月糧每石折銀三錢令軍士砌築一丈者給銀六錢岸堤悉壯行部至蘄有妖僧詐稱奉勅往名山掛幡所在恣橫密發其奸寘之法寧庶人兵起珀扼黃梅爲池皖援會

武廟親征民爭迓竄榜諭安輯之事平乞休四上不允
世宗入承大統以護送
聖母勞有

金幣之賜復上疏乞休遂陞湖廣按察副使予致仕

都御史秦金吳廷舉席書御史何鰲唐符馬紀前後
薦聞而桂文襄公萼爲縣時爲珀所知文襄當國欲
大用之嘉靖五年起四川按察副使整飭威茂二州
既至修理城堡墩臺關口召募武勇彈壓羗夷歷年
賞畚虛糜歲五萬餘兩一一核實餘銀幾萬兩廣募
民鑿石坎開衢路以便商旅土番來貢率挾利器珀
創會館郊外使人守之令釋刀易馬入遂爲定規踰
年陞河南右叅政方乞致仕又以薦陞江西左布政
使入庫省藏見三巨桶封識朽敝簿籍不載發之金
也時朝廷有龍虎山之役方議派民遂告撫按以署
工程餘作歲例解部尋擢南京太僕寺卿檢舊牘舉
馬政近郊有腴田荒蕪問之屯田也以官徵宿逋故
不敢耕珀令軍開墾成田之後依畝徵糧取足額而
已陞南京太常寺卿尋陞南戶部右侍郎署篆疏上
便宜十二事留心度支京廩充溢攝憲部攝都臺蕪
督江防精嚴仁恕不動聲色而事治民安與屯田御
史疏請除豁久荒屯田浮糧畝數立追徵則例至今
遵守珀抱深憂於根本之地振古誼於形勢之塗在
部五年人化毛公之儉而畏揚綰之清矣屢行乞休
乃許致仕年八十六卒撫按表聞賜祭葬贈都察院

右都御史珀清夷簡諒怡澹寡慾歷官未嘗以家累自隨室中絕媵侍之奉聲樂之娛童僕出入皆短衣芒鞋母敢履鞮平居燕處如齋端坐如塑遇二親諱辰素食悲悼老如一日令節

聖旦躬率子孫

拜祝朔望率合族謁祠堂教子侄以守法循義窮民有喪壅不能舉者輸罄周恤不責其償居常絕意干謁至一方利病則不憚臆切上說下教力可爲者即自任之其於息爭論善常以懿言代鈇鉞和色當醜醜不義者忌珀之知而衣冠後進望以爲楷陳琛稱珀歷仕中外如凝氷出壑素月懸秋夾輔衆羨不守孤節王慎中稱有宋名臣或有恬澹著稱而晚有澌色之非或以剛忠持世而生有使酒之病或名敏達而未暮不止貽譏或號敦龐而臨治無能見少惟珀始終克免瑕瑜爲著碩完德

林同字直正受學李鴈山雍旣隸鄉校從蔡虛齋學益知原本旣成而鄉後進皆師之弘治辛酉領鄉薦正德戊辰授樂陵教諭丁外艱補丹徒丁內艱補萬載擢金華教授所至以平生傳習與諸生講明早晚有常寒暑不勸其於文廟致潔祭祀盡誠又諸學士官所不能精詳者其在樂陵時令則許忠節遠在丹

徒時令則桂文襄夢在萬載時巡按御史則唐龍學使則邵銳皆一時名公並加器重邵出視學同率諸生迎見長揖不跪邵甚喜之既入學見廟廡潔清意外觀而已行至兩廡窮處手循神案莫不淨明益自號舍行人私解恣見擊飭召諸生進講則文義敷暢知其勤於訓諭大加嘆賞既遷教授臨別嘆曰公德浮於位勝位浮德也兩典湖廣陝西試所得悉知名士陞兩浙運判先是判睦者率巽悞乾沒禮不匹於堂官威不行於巨賈法不加於豪胥恩不究於弱竈同刻虛弊循憲條清公自守不刻不濫商竈皆悅內

閣張公孚敬家處海上亦竈籍也海上士大夫懼海賊時至共言張公議即瀕海一帶坦之約二十里名爲沙城駕言竈丁沙地摧崩宜築城爲壯者張以告浙省當事諸公莫不唯唯運使問同同曰築沙城士大夫欲之若竈丁者未嘗欲也費且不貲既不聞

上奈何專之運使言御史御史不善也顛以委同同念張公勢盛士大夫倚張作威竈丁即不願欲無敢明言者立案堂下案具二帑或願或否令各畫帑已無一畫願者遂報罷於御史會張亦罷相御史如同言居兩月張復召入御史頓足曰沮沙城者君

也張公嘗面斥太宰太宰俛首不敢聲况乃我耶大
誤大誤遂劾落同官乃張竟不行御史言而同乞歸
矣後御史留同曰我則知公不似前御史公何故辭
同決棄歸同弱不勝衣而內養克完呐不出口而講
論道德性命根極中肯繁里居與村中叟老談民風
農事雅俗相忘古人之風也所著有正學蒙引龍峯
遺集

張元璽字國信父旺成化中舉人孝養二母推財第
昂未授官卒璽少從蔡文莊學深造自得淡於世味
與陳紫峰琛李筠溪堯王一懼宜號稱四傑
領鄉書除滄州學正端軌興文士習顧化流賊陷滄
州城閉齋自守賊相戒勿犯學榜居民藉以安堵遷
國子監學正擢建昌同知未任卒
冕字莊甫旺孫也爲諸生時讀張襄惠公所作羅一
峯書院記推本不欲不爲謂得其本心嘆曰此正學
也旣領鄉薦念父老得所給坊金悉以治具不就會
試已登丁未進士授烏程知縣躬履清素平均賦役
江南中倭高築城垣分習技擊立隊伍密偵哨訓練
兵氣大作歲乙卯倭犯太湖抵蘇之洞庭冕陳兵湖
中遣之隨賊射斃百倭走之倭犯北新關冕計其必

取道新市雙林以歸伏弩桑柯林中邀擊之擒斬甚衆又躡戰于鶯脰湖敗走之丙辰夏倭繇烏鎮入將掠湖郡烏鎮冕所轄地也賊衆號萬我兵僅千五百人冕分布迫賊地身往來督視賊徘徊不敢進時議者慮城中單弱備兵使者數檄冕還城守冕曰戰即守也益治兵仍令分地督捕其出掠者時時殺賊級奪賊戰具賊留四日遁去湖人盡稱冕功坐爲權貴忌嫉遷桂林府通判劇賊張璉焚劫廣東朝廷以冕在烏程故有備畧擢廣東兵備僉事至不三月連縛潮陽惠來二酋平其巢總督張臬檄冕兼二哨攻璉冕首破其丁坑營璉竟以敗乃論功不及癸亥倭圍潮陽冕引兵入城倭營城西冕背西城督戰衆稍却冕獲先却者臬之整隊向賊賊遂遁越數日復寇城南冕復督兵戰兵又却冕又臬先却者麾而進再却再臬一人提二人頭以令皆倍勇擊賊賊盡却走其他設機應變百守百禦蓋圍五十餘日乃解擢湖廣叅政當倭圍潮陽急時冕城守至嚴無舉人秀才悉授兵登陴舉人登陴而惰冕扶責之至是中忌者口復追論其擅殺戰却事遂落職知化州廣西賊寇化冕脩城練士堅不可入寇遁去尋兩廣寇起復自化

州薦用廣西撫夷僉事駐節桂林至則立營堡分信地明賞罰什伍衛軍領以武職之良編甲授藝令關自爲守終冕任桂林不復有賊警矣遷本省叅議分巡右江安民弭盜施爲方有成法而忽報罷冕筮仕二十餘年名節自砥視權門若浼視污吏若仇木鐸鄉飲酒禮養老存孤古人教民之具而今所謂迂者悉實意推行之考功注冕考一介不取百折不回司空劉公麟遺冕書每稱孝廉期以鐵漢且云知先生者必衡雲鱷魚徐文貞公語人曰張某執法稜稜民畏而愛之士大夫畏而惡之盜賊畏而避之家居常不涉公門災警祈籲所司如身痒痛先時泉漳苦倭田荒米貴冕在廣東勸諭粟商方舩而來里人得全命碑之莊堯而記之孫穰登河南鄉試

粘燦字中羨仕南御史有才望所居潯澆塩場潯澆塩課獨重於他場燦上書奏減潯澆人春秋祀之侄鍾崑

鍾崑字子瞻爲眉州學正卻入學費儀署丹稜縣前官取帑金百餘去吏白當發鍾崑補以餘俸更署眉州追徵例有糧戶分頭二千餘金鍾崑故遲之俟徵過而後署任擢知安定陝西邊邑也民逃亡過半鍾

崑極意招徠三年成聚每書勅兒曰善自治生我不敢以百姓脂膏爲若等資斧也卒於官

蔡祐字體順三歲而孤其母梁艱貞守之梁見閨閣志祐數歲哀不見父掩泣發憤稍長讀書敏記深研抽心繹腑如絲有緒循而緝之丈引尋續出與人說証喻叅伍窮極條貫卒有要倫從田南山受蔡虛齋易學旣盡得田氏易復以新得疑義往質虛齋曰我學如是最好朱文公家禮講肆行之其於作堂寢具器服物品貧不能如志而意常合其造次必於禮舉鄉貢一赴禮部不第就銓養母得新寧教諭子

服除改海寧遷湖州學教授致仕祐所至教士皆悅附動變其諭新寧時上官檄視邑篆省文書所宜施行上聞下施且行且請不取邑中一物會其母病思笄有持餽者遂受之邑人以其爲特事其自海寧徙湖

士爭畫像乞留衣帶去湖亦如之子克廉
克廉字道卿年十九舉嘉靖己丑進士除戶部主事乞改南尋調北部主事陞員外郎中先是大同軍譟叛總督劉源清逮下獄久不決及克廉治源清獄論邊鎮大臣論死以快叛卒非國體且源清先有助破寧庶人功請宥之劉得毋死張延齡者

孝康

皇后第坐罪下詔獄先後提牢主事恐傷

母

后心寬之

肅皇帝庶知怒責尚書罪諸先後

提牢者克庶坐謫廣德州同知久之量移廬州同知
累遷江西提學僉事廣東提學副使兩省士先後成
進士者多為名臣陞浙江右叅政江西按察使右布
政使尋擢僉都御史被劾得白以原官起撫江西陞
副都御史總督漕運條漕政八事請城寶應以防倭
平通泰賊入為戶部右侍郎俄轉左晉南京戶部尚
書時年四十有九耳會外病邸中而振武營兵變以
減餉故射殺侍郎克庶以是罷歸尋卒克庶在泉與
梁懷仁王慎中並少年高第以文行相砥出與唐順
之羅洪先鄒守益諸公往復討論卓然有志於道至
為人純明溫粹當官穎識敏裁處繁應卒如揮游刃
割賓客談語拓舊為新推小至大闡微極著吏出互
生世人莫不推其才具子應麟
應麟字子瑞自兵部郎改吏部時萬曆之季正官多
懸缺不補應麟以文選副郎掌文選者久之方正確
覈雖親故不私被誣逮繫詔獄年餘乃出天啓初起
田間敷歷太常少卿卒應麟雖以謫起家所治官方
正確覈一如其平時

陳寧字士泰登進士知東莞束書數篋赴治至則以
吳隱之飲貧泉節詩爲佩符曰不如是則氣餒畏人
何能排天幹地東莞舊有堅訟寧訊立洞大批數語
兩造各其一境皆驚有作神君詩頌之者寧曰吾非
能神吾得其意於春秋焉樽節人情天理而輕重吾
權衡於常律時例之外不能吾制焉耳矣繇此間左
之老猾豪右皆惕驚蹙縮不敢出繩墨東莞大治政
暇左經右史俯讀仰思有一得卽入邑庠召進諸生
課試之以所得發其疑使各自思而因以授之鄉社
窮鄉遐里皆知向學年三十四卒臨沒嘆曰天其不
喜人爲善耶

黃寬字經裕正德間知陽春縣士民稱寬之政無媿
其爲名旣陞任矣群謂地方多故詣闕乞留遂以通
判再任數年乃去第瑗

瑗字純玉知長山縣值東土旱蝗多方賑濟隣境饑
民悉來就食有老嫗子商販戕于盜瑗計獲真盜寘
之法青齊有疑獄藩臬檄瑗鞫無不得者陞戶部郎
出守肇慶脩隄防輯戎事恩平賊首蘇宴唐國欽相
繼作亂集民兵勦滅之論功進三品秩旣廣西盜起
復統肇慶兵會捕之政暇與士大夫雅論浩歌雍雍

如也卒于官從侄孫憲清與士大夫相善
 憲清字以憲父伯善仕衢州同知有詩名詩學杜子
 美憲清領鄉薦授陽春令陽春獷悍多盜憲清省訟
 輕贖禁絕追呼摘一二大猾寘之理邑賦歲故不滿
 萬後以兵燹裁然飛詭相仍憲清歷陂陀入崖瘴
 自携草具藁席芟止田舍按畝清丈丈後多羨取足
 故額而止已又通融邑賦歲減田租十二三陽春人
 德之遷廉州同知珠海其所掌也珠海故守以戈船
 兵校墨者縱兵校入海竊珠詭云游徼而陰與爲市
 憲清諭兵校盜珠者至乃出捕之無盜輒出與盜至

不亟捕者同罪廉與雷陽缺守憲清兩視其守事悉
 以節省惠利見稱奔其父喪歸而尋卒從弟志清
 志清字以度父錫仕知州志清年十四則已見知於
 督學胡定萬曆辛卯鄉薦第一乙未成進士選翰林
 庶吉士授編脩空一切苞苴窘不渝志時時寄家書
 輒有母陵鄉里干有司之語無年卒官遺書數篋而
 已
 李源字士達除戶部主事差監福清倉儲倉故置中
 貴人十人董視之中貴人數治酒饌爲好會源每會
 舉杯濡脣而已中貴人恚不得恣所欲則構兵備趙

副使侵撓倉事擾吏徒源疏以聞并劾中貴人罪狀
事下戶部尚書孫九峰交歎爲得職每舉源官氏稱
於曹中數爲冢宰馬端毅文升言之時逆瑾用事以
源嘗劾中貴人記其名遣轉饗遼左故縮其期陰欲
中以失期源晝夜行風雪中日二百里竣事以報瑾
不能中也是時相楊文襄一清知源無繇一見心尤
器之楊馬與孫並一時名臣將殊用源爲逆瑾憾沮
而源亦乞歸養矣其後言者屢薦于朝就家起南京
文選司郎中久之遷尚寶司少卿竟不起源爲文法
左氏其所獨到斷破規矩亦自爲方員宅燬於火久
不能興郡守王士俊曰以吾爲守於斯君子無以處
捐貲助之又爲立善俗坊表於四達之衢

陳永弘治間訓導終養睦族好禮

敦質仕惠來安東二令三剖其俸資公諸兄弟泉人
稱孝友先生

會嘉靖間貢萬安訓導有學行

安字叔敏父曾以國子生仕涪州州判善徑尺書安
萬曆初應歲貢仕終國子典籍爲人孝友廉朴筠簪
布袍冠履橐落賓坐如隅主迎若趨居庭惡聲不及
犬馬而訓飭子弟嚴於朝堂子鳴華參政

張文應字廷鳳治春秋學義據通深讀三傳者多師
之舉鄉試第二人乞瑞安教諭鄰邑諸生聞其文質
競爽皆來就學遷樂平知縣縣當姚源寇甫定之後
民疲兵燹文應撫摩綏輯以寬徭恩衆爲務宸濠稱
亂執戈從勤王師王文成奏功之日獎賞有加去官
士民書石紀政去之七年復裹糧赴闕陳保子天衢
天叙天衢仕訓導有學行
天叙以鄉薦領教官分考湘江內簾其時取士皆外
簾用事內簾具員而已天叙閱卷得顏鯨必欲御史
登額御史不許天叙曰謂朝制何出聘幣還御史辭
御史去御史不得已從之後鯨竟至大官知遂溪縣
政尚蕪乎遂溪人祀之名宦
葉寬字栗夫正德中知蒙城縣蒙故無城流賊劉六
劉七突入縣寬方趨謁鳳陽府獨其妻陳在縣解衣
丈夫衣繫印肘後馳馬入鳳陽解印予寬人皆曰葉
令婦何必臧令遷工部主事監通州磚廠中貴人賂
寬寶玩寬峻拒之皆不敢橫藉爲奸利嘉靖初年爲
營繕郎中時賜
陳皇后父都督同知萬言弟
於西安門外寬與員外郎翟璘董後部尚書言其地
迫宸居高廣踰制宜半裁之旨未下萬言佯䟽辭且

言丈量規畫皆寬璘王之
 世廟怒逮寬與璘
 下詔獄拷訊尋得釋出為浙江叅政置賦令於法上
 官不見容被擠歸

林鉞字宏用授崇仁知縣改增城遷南戶部郎中出
 守太平卒鉞令崇仁時為崇人奏免南北二運雖未
 施行崇人德之時才名有聞而年方少寧庶人欲勒
 致之鉞曰令可屬鏤不可易肝膽也其守太平奏免
 水旱災傷沒豪右匿田入學贍士築楊家壩裁采石
 諸驛供應夫革馬政群長召種荒田歲省浮費金數
 千增穀至十餘萬石及卒士民祀之名宦鉞與

呂柟相友善詩能書尚寶李源稱鉞詩挾江其委挾
 岷其奇

陳奇字士特銓新泰教諭庠中有老聃像以孔子侍
 奇申毀之兩典鄉試遷南京國子助教轉河間府印
 馬通判盡革馬戶詞訟贖罰令納紙數葉脩案牘而
 已河間為京輔郡有印馬巡按巡鹽三御史印馬御
 史欲抵人罪奇以直上御史駁却者數竟不改御史
 曰判何物也尋怒以他事會得巡鹽御史解乃止已
 巡鹽御史語奇奇復不拜謝巡鹽御史亦不悅於是
 交劾落職貧無行資有堂吏白奇御史劾公未得處

分有秋季馬尚可往巡亦資斧一助奇曰棄婦則不可復事事嫠婦則不可復改守吾嫠且棄矣鄉縉紳在都下者憐其操爲言於新巡鹽御史資給之始得携孥歸民曰菩薩去我

洪聰字謀甫正德末知南安郡性有執持甫蒞任值大駕南巡藩司諭預處上供費聰上牘以地僻民寡不及它郡一縣力請減損議至再駕旋郡無錙銖之擾民甚德之屬邑佐有怙當道虐民者執之民稱快反被註誤後事白卒家

蔣孔賜字君和知通州有聲擢南戶部員外郎遷郎中督賦浙江江西蒐故牘得乾沒鉅贓株本窮節目技尋條剝所得積逋溢新賦謂藩臬諸司曰

上念財計弛敝某得與斯後也急則擾民緩則病國今所得賦皆已出於民未入於國者財集而不擾傷庶禪國哉比反命世宗嘉勞特賜褒美改授

刑部郎中坐以才取忌四十而失官旣廢事母至孝時時行厨匱與竈養漿婦分役寒暑衣服振領循祛非潔新温輒不使近親體買宅及田與弟共之不使已子豐於弟泉人稱其孝友從子廷堅

廷堅字國紳精治春秋萬曆初應恩貢授壽昌訓導

轉山陰教諭漳州教授爲人坦夷忠厚而翫直自將
語僚儕曰吾自作人非善業官也第人與官有以異
乎
吳希澄字克靜授廣東長樂知縣勸農桑廣積儲雖
旱不害民以情訴者進見無時虚心曉譬曲直咸平
會有老監司貪黷無厭希澄耻爲阿狗大拂其意久
之復與爭獄竟爲所中歸隱靈源山下王慎中贈之
詩曰家在深山非避秦相尋正及桃花春近看道氣
眉間異暗接心期語下親兄子從憲

從憲字維時授行人擢監察御史巡鹽浙江按山東
入爲河南道掌計事再出按浙江竟出爲江西副使
浙江叅政尋以副使量移卒方從憲巡鹽浙江時新
鄭相修却於華亭相語從憲曰華亭家私鹽盛行國
法甚嚴可輕貸乎從憲歎曰相授我指矣媚新相害
故相吾不能也時海忠介瑞中丞南都亦不能無奉
相意窘華亭從憲至獨寬處之不唯不問私鹽事且
勸海公無失禮於華亭使
聖天子有薄待舊
臣意小吏有承風旨齟齬者輒痛絕之其巡按浙江
時浙人有爲大家宰者方望從憲舉其子鄉薦周旋
懇勸從憲藐不應竟失大家宰權遂從外轉從憲寬

洪有雅量為御史不作氣矜張人第見其草野夷易無驚擊名而不知中懷耿介也

[Faded bleed-through text from the reverse side of the page]

閩書卷之八十五

英舊 縉紳

泉州府 晉江縣五

皇朝

有傳

陳琛 族弟讓

史于光 丘養浩 黃潤

王煒 孫國賢國彥 易時中 曾仲魁 蔡潤宗

王慎中 王宗濬 侄廷稷 李仁 伍鎧

梁懷仁 洪富 孫澄源 族子猷 林性之

子一新 黃光昇 子喬棟 莊深 蔡元偉

徐榮

子用賓

何元述

吳銓

陳露

陳琛字思獻別號紫峯先生自蔡文莊以理學教人繇場屋之業引而入於聖人之道琛去文莊稍後自以其意為朱文公之學一日文莊得其文於故長史李聰所嗟異久之李長史曰此吾徒也文莊瞿然曰吾不敢為之師得此人為友足矣琛乃介長史稟學于文莊文莊曰吾所為發憤沉潛而僅得者以語人常不解不意子已自得之延禮之如朱文公所以禮李通者督學江右請與偕行歸而設科學宮之傍與郡城之月臺寺四方從學其衆琛之言曰道一也無高深大小微顯遠近精粗常變同異自吾人所見則有高深大小微顯遠近精粗常變之殊此所以有難知有易知有可以語有不可以語苟能一旦豁然則剛風上轉不為高南極下入不為深茫茫載地不為大涓涓穿石不為小鬼神屈伸往來不為微草木榮悴開落不為顯經濟乎四海九州不為遠致慎乎閨門衽席不為近聖賢制禮作樂之本不為精童子灑掃應對之節不為粗周公誅兄不為不悌石碣殺子不為不慈大禹之家傳不為德衰於堯舜湯武之放伐不為得罪於夷齊陸象山之主靜不

爲枯寂朱晦翁之分折不爲破碎周濂溪專授太極於二程不爲私學二程不授太極於諸子不爲吝教蓋太極渾然事事物物無不各具吾人耳目所見有常有不常心思所測有得有不得此高深大小微顯遠近精粗常變異同所繇分而學者之進入不容無難易教者之指引不容無差等也其所記述以授弟子則有四書易經淺說二書其族第御史讓謂文莊蒙引得聖學精深間有意到而言或未到及其所獨到則可以發文公未發紫峯淺說得聖學之光大意到則言無不到及其獨到又可發文莊未發而深猶自謂此訓詁之屬更欲於門徒之中得夫勵進退大節破名利兩關言峻行古與之遊塵埃之外而細論夫顏子所謂彌高彌堅者是以一時從學之士多有洞視今古傲睨宇宙之懷以儒士舉鄉試正德丁丑會試考官尹編修襄得其文以語總考靳文僖貴曰造詣精深此必陳白沙門人不則蔡虛齋也釋褐授刑部主事乞南得戶部調吏部考功以母老乞歸養嘉靖七年大臣有薦琛有用之學不宜在散地下詔徵用辭又一年即家起貴州按察司僉事提督學較俄改江西皆力辭家居掃却一室偃仰其中靜觀天

地萬物消息之變古今興衰治亂之跡與夫世俗炎
 涼向背之態或迢然孤笑或喟然獨歎時或縱步阡
 陌與農叟談俗叙故為樂發為詩歌灑脫質任超然
 物表為文層層蘄蘄發性露光如危峯矗石枯條潤
 葉文莊沒道德行誼無愧師門者琛一人而已生而
 雙眸煜煜玉色金聲美髯蒼骨皮肉細膩手紋如亂
 絲胸有紅痣三四寸其卒也所居後浦潮汐不至士
 大夫聞之相與歎息有司為祀之學宮張襄惠岳祭
 琛文曰嗚呼紫峯一世人豪有蟠屈萬古之心胸有
 瀉落長江之辯論有避世之深心而非玩世無道學

之門戶而有實學而予先子請祀學宮之詞曰望風

標似神仙恠物聽議論如濂洛真人世論以為平當

讓字子禮琛族弟也舉嘉靖辛卯鄉試第一聯舉進

士授紹興府推官徵入為御史劉東山者長安中陰

賊市人也以事繫獄而提牢主事羅虞臣答之快快

無所洩則挾奏建昌侯延齡求自脫建昌侯者

孝宗皇帝張皇后弟也 孝宗皇帝無他寵

遇 皇后獨專宮而建昌侯與其兄壽寧侯鶴

齡並倚椒房恩恣橫都內外 世宗在藩邸時

久聞之既入繼大統母 張皇后已則母

本生睿太后而稱

張太后為皇伯母

上嘗朝

皇伯母待

上倨

上

心不悅會建昌侯怨家發其在

武宗朝殺人

事且誣侯謀逆

上怒下刑部按侯罪繫侯獄

并逮壽寧侯壽寧死建昌侯獨久繫獄中則時時撥

採傳志賞罰無章之事書其端曰君道不明東山伺

侯書時輒竊取而藏之他日牢吏弛侯鉗繫自便繫

東山東山不受繫而虞臣答之東山遂挾侯手書上

奏并及虞臣云此時

上怒侯加等侯死罪以

虞臣與先後提牢官弛侯繫者皆杖謫之而赦出東

山東山出益偽張疏草持喝侯家日鮮衣怒馬恣行

長安市一日諸御史謁貴溪相言言謂諸御史誰能

治此讓曰讓能東山所居東城下是時讓方巡東城

會東山怨其父關弓射之不中父走訟東山於讓讓

曰東山死矣窮捕之東山悉反奏讓與侯通賄復追

奏侯謀逆事

上益怒逮讓與侯移繫詔獄中

而東山亦繫獄置對東山益株引所不快定國京山

諸公侯

皇伯母至衣敝襦席藁為侯請

上並不許讓從獄中上書劉東山市井小人耳結

構奸黨陰毀

聖躬妄連宮禁

陛下有

帝堯既睦之德而東山敢對

陛下言漢武巫

蠱之禍

陛下有帝舜底豫之孝而東山敢對

陛下言暴秦遷母之事若復赦不誅則將睚

眦殺人如郭解矣離間骨肉如江充矣恐於弑父而

邾定公瞿然失席矣書奏

上悟會按詔獄者

指揮王佐謬為私東山者次第飭得其情具奏反坐

上乃繫死東山赦出讓復其官而讓一時名

大噪都下初讓蓋嘗買民家杜氏女為妾云方東山

之奏讓也謂讓所買妾實侯姻家讓妾與讓坐並逮

錮衣以鐵椶椶妾指指為落並不承至是赦出長安

中為語曰非獨陳御史烈丈夫其妾亦烈女也

上父睿皇帝興獻王葬承天之顯陵久矣

睿皇后崩

上相陵天壽山大峪之陽將起迎

睿皇帝梓宮合葬焉下廷臣集議皆極言不

可

梓宮有日讓復奏曰日

者上天降割

聖母不延臣伏見

陛下

仁孝悽惻擗踊號慟天地為哀臣民若零

陛下

下遂定大禮擬合葬

睿皇帝于大峪遂駕素

車乘金相水穴土印木臣以言官得隨扈從伏見車

駕凌風衝露陟崗履石皇皇如有求而弗得無非求

厝慈親一席之安而巳斯時斯際皇天后土亦効精靈以啓孝思何況臣子夫大峪山必建

以葬 聖母論分則以配 祖宗七陵之

尊論情則以申 慈闈同穴之議前事則可共

安至矣盡矣臣特不忍遂虛 獻廟已安之宅 壽陵以爲

敢獻芻蕘兩端以備採擇萬一 陛下御極十

有七年百姓謳歌華夏寧謚是雖 聖德神功

上帝歆佑之錫然臣得諸傳聞皆謂 獻廟幽

宮龍穴極美且以 皇考積德敦仁下襲水主

王質爲精地復爲母臣意其中生氣元功網緼會結

必有紫茵點血玉液垂珠之祥故祐啓 陛下

以協在宥坤后靈庇不可誣也禮曰葬者藏也欲人

不得見也今出 聖考玉魄於母孕之地如取

之於其胎也雖梓柳重封錦囊百襲能無疑哉古人

事死之禮先廟後墳是以黃帝成道登天羣臣葬其

衣冠橋陵舜死蒼梧之野葬九疑之山蓋二妃未之

從也臣妄謂 陛下可奉 睿宗皇帝遺

衣納之梓宮飾以衮冕與 皇太后合葬大峪

碑題 睿宗皇帝陵再以 皇太后之遺

睿宗皇帝陵再以 皇太后之遺

英舊 七 三百六三

冠帔納之梓宮奉以合葬顯陵碑題

睿宗獻

皇帝陵此臣之一見也若

陛下必遷顯陵以

遂孝思則

顯陵之在承天者當為

二

聖衣冠几杖之藏以當荆襄旺氣此臣又一見也竊取黃帝衣冠之藏之義兼取大舜九疑獨葬之禮以

神為配兩美具存

睿宗章聖精神之在天者

既以神而會魄王魄之在地者又以魄而留神北陵以配七陵之重也而近又以慰

陛下霜露之

思南陵以收一方之勝也而遠又以留

陛下

龍潛之跡在

陛下擇之耳奏入

上是

之然猶詰問衣冠合葬之說於經無據奪讓官黜為民既

上思惟遲疑不能自決自幸承天觀之

道次行宮災士卒陷澤中多死而

上亦念欲

返葬矣顧問貴溪言昔日諫止北遷者是何御史何姓名其疏安在相伴失之方讓諫止北遷時相謂讓

曰東山之事僕知公矣

上意已決可無言也

而讓竟上奏坐黜相所以不以御史名聞

上

也讓罷家居每對客談時事輒曰是二三豎子能宰天下哉嘉靖末以壽終隆慶改元贈光祿少卿子欲

潤見韋布

史于光字中裕生有異光故名于光父貧且老于光歡承之致密如古好讀書癯疾不廢清厲成儒正德癸酉舉于鄉不就計偕曰仕不及親奚棘爲丁丑登第改翰林庶吉士未幾疏歸歸五年起授吏科給事中
中大禮議沸于光據張文忠孚敬疏條折而款鞫之尋又病歸歸四年復起時諸臣以議禮得罪者未蒙召復于光疏言臣聞聖人之喜如春其怒如秋天道在我也喜以天故天下共仰春生之仁怒以天故天下共範秋成之化往歲先後言禮諸臣伏伏闕躁妄
陛下怒而罪之凜秋肅物天道也中外臣

民皆知

陛下一時王成之意使之動心忍性

所謂益之以凶事非固欲絕之近御史張袞疏乞

聖宥果蒙勅該部看詳邸報一出不但舉朝臣

工加額忻仰凡都下廝役賤吏皆歡喜告語以爲

聖天子將還前日得罪之臣天道春生不是過

矣既吏部詳覆上請

聖裁命下報罷又有以

仰見

聖意王成之深欲其磨礪之久然後用

而全之也夫天地之春有不動動則必舒聖人之仁

有不行行則必貫况諸臣皆

陛下所親拔擢

欲與共圖治理以茂中興者而廢謫已兩閱歲大臣

未遂其先憂後樂之忠小臣未遂其幼學壯行之志
家居者或年垂晚暮謫竄者或身處嵐瘴一旦有如
劉安世之齋志以歿如范祖禹之梅州不返以

陛下愛惜人才之心必有宥過後時之悔雖人才
消息代不終乏然沮德明求粟之奸寢淮南叛逆之
謀者皆譽望素著之臣也伏望早實春生之仁即起
諸臣懲艾之後必有感恩圖報大補聖治無疆之休
者不報于光嘗同考會試多獲雋異當官叢委悉身
親之以疾卒京師朝士縉紳莫不悲悼計其入仕十
年家食者九居諫垣二年而已竄甚受徒自給有求
居間者因其妻以請于光佯諾之曰阿堵安在妻出
視之于光向空跪祝償受此子孫絕種矣所著易解
正蒙解四書解若干卷

丘養浩字以義父璦受易蔡文莊著易說皇極管鑰
諸書學者稱省庵先生養浩年十三爲諸生十四應
省試二十一舉于鄉二十四成進士是爲正德辛巳
歲授餘姚令餘姚於浙西南爲最劇養浩爲之績業
奮起賢名四出疆聞壤望或愧惠不及或傳講相師
勵大江以南部使者撫臣相語炙口以倡激其部邑
他令森立踊企皆掩於養浩嘉靖乙酉召入爲御史

大獄起永嘉相孚敬來視臺事相養浩同年也語養浩得君與我閱臺獄事濟矣養浩遂謝不能嘗以言事一謫推官旋蒙召復一下詔獄未幾釋出提督南畿學較董視山陵大工陞南大理寺丞轉大理少卿擢巡撫四川右僉都御史貽友人書曰此行不俎豆張忠定公側非夫也單車御兩蒼頭往至利路一蒼頭取前軍壯士所披綺裘服之養浩覺立撲殺一蒼頭前行道逢一從事奉藩省檄監貢方物轉運郵置俱黃封大櫝恠其充斥停車按其一二則皆非尚方裝廉之某郡倅物也養浩曰此何論黷貨以私財混供御臣子耶逮從事付之理即日倅免官去既至臺積案充棟日命吏持牛腰大數十束睨立批駁之官吏軍伍之利害民情土俗之隱伏竇穴之翕張齟齬之鴟縮狐藏鬼狡神狙鬼伏皆滅影刮跡電掃霆擊無可遺顛三川之外江瀘幡燹砮竇竹之民疾病苦樂皆在鏡中笠豕攘鷓之盜捋鬚弄筋之戲皆得其地所姓名記之間與大吏議獄事舉其初辭未帖中証旁縱之跡縷縷如親爲于是直指奪氣提形避影改巡撫江西有論其薦廢將何卿爲私卿者抗章求退居頃之御史言卿實賢養浩非私事白而養浩

卒矣其後卿與沈希儀並爲嘉靖中名將天下以此知養浩之言當也養浩恢廣宏達如無所擇而簡別精審細入曲折雅意本朝以當世善類消長爲計其口誦心存未嘗一日不在於海內排擯放廢之名流惟恐其老死不叙收甚於已之失位而咋舌決齒於怙權妨賢之夫如不欲與並立每一縱言目光橫射意氣提出傍聽激竦頗以此取嫉其在蜀未久功名迅發精采先諸路正以權當其力欲變一時偷晏之風震動恐聳之警其視聽而新其氣以作起功庸然後與爲寬碩以樂其成而蜀人已害其不可動然而蜀中士大夫之賢者無不稱丘公尚氣誼閱風烈偉男子也子維棫爲諸生有士行

黃潤字以誠正德末舉進士授武進知縣之官會邑大饑賑粥有法定賦有經爲都御史吳清惠廷舉所知擢南刑主事又見知其部尚書李康惠承勛承勛召入爲本兵薦潤於吏部連調北刑部兵部主事歷車駕郎中朝命李真人往齊雲山設醮祈嗣傳宣本兵及郎接勅文華門下予驛給廩然第及真人一人而真人遂下部爲道官道士多索應付至以百餘人本兵曰與之潤不從邵真人者方有寵使道官來爲

李真人趣索再四潤語道官曰應付道官道士勅不載上方寵李真人李真人胡不自請且吾爲

若請何如道官色動因詰之曰朝廷宣兵部接勅時隨宣邵真人至乾清宮出內帑金爲李真人隨行費曰毋擾傳以故不敢請潤曰聖見若此尚趣

索耶入告本兵量予十人而已初吏部欲改諸胥郎爲科道官冢宰且以吏科處潤使驗封郎道意郎建安李肅愍默也潤固辭肅愍曰有吏部郎登門送官與人而不受者耶潤曰有吏部郎登門送人官者耶因大笑別張文忠孚敬者潤同年當其用事不一見

及三去國三送之文忠謂潤長者復欲借之文選使其甥道意潤謝如之出爲松江知府丁艱去松人舉前後賢太守作三清堂祀之潤與焉服闋除東昌知府選郎王與齡不次用天下才至官不三月首擢爲河南副使備兵信陽平舞陽盜魏進朝李小尼李思雄等之盤伏章華臺者捕斬以三百餘額不以聞撫按官曰聞則機泄不可爲也吾心平賊而不希功撫按官亦不爲奏北虜猖獗後巡撫咨潤兵事潤爲畫立圍營下諸郡團操之其冬虜大寇邊兵部徵兵諸鎮河南兵即日啓行以邊才擢山西薊南道左叅政

而以母老乞歸矣張襄惠岳語人黃以誠辭吏科吏部可能也其守松江貧不可家當於古人中求之而其時同邑陳蕙爲御史亦有清節陳御史故號西廓潤號東石人因改稱陳御史曰西涯而稱潤爲東涯涯者呆之別音言其癡也弟深見閭巷子伯度爲諸生有文名孫國彥國賢

國賢字士尊舉鄉薦司訓漳平有聲入爲國子擢工部司務司務故摠署簿書會計之成後輒與同官更掌關市錢庫稍稍取自潤國賢獨辭避擢戶部員外郎轉郎中筦太倉庫節嗇獨甚時有征播之役軍興徵發國賢所司當輸金十萬往數皆盈貴州督撫郭子章勾其額贏他輸六百餘金大驚安得郎清若此移咨大司農重褒異之既卒堂官令同舍郎核其出入簿文書纖毫無染手嗚咽歎服捐俸厚賻之

國彥字士美以鄉舉知新寧豁田賦均繇役陞知泗州州刑故嚴於他州國彥悉輕弛之拳桎委地歲苦澇預爲修賑改判全州倅紹興終崇府左長史嘗自贈駢語曰於崇吾得見王深慙左史倚相入門室交謫我有似北山大夫風操可見也孫景昉進士

王熺少孤母矢守之父墓患水熺哀哭幾絕改葬焉

追服斬衰蔬粥廬墓母死毀瘠治葬復廬墓者三年
正德十三年以貢授瀧水訓導瀧人尚鬼信機燔刪
定家禮教之自免歸恒言稱母訓母好施燔雖貧每
新穀升必播精遺四隣忌日必哀其生辰雖年七十
不敢受子弟上壽禮如忌日

易時中字嘉會從蔡文莊學文莊呼爲小友年四十
舉鄉試已蔚然爲碩儒授東流縣教諭隨材導接爲
諸生開說諄悉邑人御史宋邦輔疆直廢居條十二
美贈之自謂無愧詞陞夏津知縣邑故寡訟時中曰
至吾將多日堂上屏隸偃朴民有事具來吐實還
以曲直鞭贖都弛重者撻遣而已皆爭來言訟遂多
矣齊東故習州縣吏事中丞御史監司奔伏如輿臺
時中雍容跪起用下士事上大夫禮有御史作威輒
忿詬曰易某侮我或以謂時中時中曰以禮事上爲
恭非禮侮也御史自倒其恭侮吾不誤也吏部召試
臺諫以年自實不就除順天府推官都御史胡守中
不法下獄有旨推勘時中窮竟之有爲胡釋憾者謀
中以他事時中方念母遂乞終養時中去夏津時夏
津人繪像祠之林比部瓊實書其石以宋仙居今陳
襄爲比既終養道出山東夏津人聞舊邑公還牽携

數舍迎舟曳挽群持棗栗修脯以獻歡聲載兩涘至
別有哭失聲者時金陵王公以旂以中丞赴留臺聯
舟河中爲之嗟嘆賦詩有斯民信是同三代循吏元
非拂衆情之句至家築室奉母母年九十一而終時
中七十矣毀不勝喪宗黨孝焉時中之師日文莊而
其徒曰王慎中道思

曾仲魁字思達舉進士授順德今廉靖不擾其於治
政他邑雖如其所爲莫及也擢禮科給事中刑科右
給事中出知嘉興府以母老乞終養母喪畢補知池
州歸仲魁知順德繼之者袁鉞政亦相類順德人思
之以比召杜

蔡潤宗字克昌好古力學作止起居終日儼蕭受蔡
文莊易轉授生徒學者師之領鄉薦除餘杭今節約
里甲勸民務孝悌力田刻四書講章易學正言以教
士左遷寧國教擢南國子博士以父憂歸服除補北
出爲建昌府通判尋乞歸家無擔石充然自得監司
守今徃徃造廬作禮間一出接終不報謝身沒而子
孫食於黔敖矣

王慎中字道思初號南江後改遵巖名盛而兩號並
稱海內盡知爲王仲子也仲子年十七八以嘉靖乙

西丙戌連舉科第選戶部主事官暇讀書作為古文詞與荆川唐順之后崗陳束輩號八才子改官禮曹更與大司馬李克齋遂給諫曾前川鈞提學江午坡以達學士華鴻山察屠漸山竣切磋琢磨益成其學世廟方重祭興文制禮作樂四郊改建百役奔馳仲子所受司當祠祭督工考典副尚書期

上親郊仲子製大祀詩八章漢詞選體文聲騰布諸公間辛卯命京朝官主各省鄉試而仲子得廣東張文忠忌諸翰林出之別選部屬改充衆望無如仲子文忠欲仲子一見仲子不往遂罷改吏部員外陞

驗封郎而同列有短於文忠者因覆張真人衍慶封疏坐謫判常州陞戶部主事再陞禮部員外而皆在南則從王龍溪畿講王文成之學而遂有得於聖賢之道乃盡發宋儒書讀之有味乎曾南豐王荆公歐陽文忠之為文也始仲子起家子大夫操觚學古非先秦兩漢不道其所為廣東辛卯錄文宛然賈誼鼂錯之詞章至是則盡棄之色相蹊隧出入曾王間寄示荆川荆川駭恠之曰此頭巾語仲子言此大難事君後當自知亡何荆川亦變而隨之矣陞山東提學僉事曰此鄒魯之鄉所教士無非欲其敦習重行

年餘轉江西叅議則文成政教所及之地仲子尋陳跡講新知往來白鹿鷺湖間更與雙江聶司馬豹東廓鄒司成守益念庵羅殿撰洪先南野歐陽大宗伯德講學交游公事不廢而士子聞所未聞遷河南叅政督率有司以安民爲務

章聖皇太后梓宮

過河南僚屬畏供帳不辦而下吏有欲亡去者仲子獨任之調度有方奉迎以無失歲饑王侍郎奉旨出賑檄仲子將事爲之親歷郡邑開倉發粟關領有期里胥不得冒報債負之家不得假以侵抵侍郎大善之方薦於朝尋以大計罷仲子之罷蓋中旨也

仲子爲禮曹郎時貴溪夏文愍爲尚書其時仲子不能善事之至是以屬銓部考黜銓部從中調書考不及而文愍取中旨罷仲子乃仲子則自如涉于淇倘佯于百泉蘇門間走之安陽訪學士崔後渠銑與談數日乃返其爲文也恒以意定爲主有歷旬經月求得一意意得而下筆隨之詳贍豐縟委複曲折按之分部呼之應聲援古以譽今推小而至大荆川稱爲二百年中興之文迨其後也濟南李攀龍弇州王世貞諸子者出立意修詞見謂毗陵晉江學宋而傷之理而仲子之文行海內卒不掩阻濟南早世弇州晚

歲亦不能出遵巖之徑而沉深切至反爲讓之矣泉
自虛齋先生倡明理學及門之士守其師說表見於
世日久而其緒將絕至仲子復振門墻請業幾不能
容其觀人文字以占平生不失尺寸至夫禪和之侶
亦不廢談說曰非以彼爲可學其苦心練性要自有
實地毫釐千里則吾徒當自辨也仲子攝生至經歲
不酒肉但覺不快謝客閣書室允却聽啜水納吐以
洗中垢曰吾以一付腸胃自翻出一部本草亡慮疾
矣竟年五十一卒仲子十八而登第三十三而罷官
五十一而歿所著遵巖集行世

王宗濬字志達郎戶部廉介明出納徵王府奏乞自
徵地賦并請勅示後宗濬言于尚書梁材藩府以擅
征困民非

祖宗制疏爭之事得寢徽府復奏

部司抗違成命

世廟左遷梁侍郎令致仕命

逮宗濬詔獄謫廣東提舉署大埔署廉州有惠政遷
太平同知決久繫株連之獄郡稱神明遷湖廣江防
僉事飭武備新鬻序清賑貸指俸助士貧以疾卒吏
民哀悼王慎中哭以詩世情方忌直天道亦妨才又
云處室無長物附身惟故衣其生平可概見云侄廷
稷廷掄

廷稷字民育授萬載教諭陞營山知縣營多僧寺僧人久窩姦不法廷稷廉得罪之僧數百擁入出不遜語若有所脇廷稷直擒之索得其凶器廢寺爲書院以聚生徒作告佛之文曰佛有五戒淫居其首其不與此僧居此寺也必矣徵爲南御史所彈奏具得窾會爲湖廣按察僉事分鎮蘄州蘄有巨姓以窩盜致萬金廷稷訊得處治一州稱快有制科署邑篆貪酷過當立叅劾之擢雲南布政右叅議雲南撫慰諸司並受緬夷約束獨木邦罕進忠不肯服逃入永昌城議者咸欲驅之去廷稷謂人以窮來歸棄之不仁斬

而歸緬則木邦失木邦失則滇之藩籬撤矣厥後罕虔受誅岳鳳獲擒則進忠爲耳目人服廷稷遠識轉四川左叅議罷廷稷沉重簡確年八十餘以壽終廷掄萬曆中貢士任連城教諭連城志稱其造士以禮綽有古風

伍鎧字文衛知潮陽縣力阻貪官督徵驅逐鯨鯢邑子陳洸居鄉不法峻絕之爲所陷械治京師潮陽人厚金幣遺官尉俾善視鎧已爲立廉正之碑事白改高淳惠政在民有兒殤廨中鎧去邑民祠鎧併及其殤兒改戶部郎爲尚書許進梁材所知改郎工部陞

南光祿少鄉落職知隨州再陞雲南僉事貴州叅議
先後按史以其無分寸私薦抑所察吏一準所裁年
八十餘卒

李仁仕惠州府推官悉捐家業與兄弟無所問邑人
孝友之子光緒有文名久淹解首遁跡不仕

梁懷仁字宅之宋文靖之裔生而慧絕週歲識字三
歲誦書四歲善草書吟詩子史經傳無不能讀九歲
而孤十六而貢禮部二十登進士奉命賜歸娶初授
南吏部驗封主事居三月死年二十三無子其家亦
無同堂伯叔之親方懷仁之少也則有神童之稱登
名禮部則有才子之譽其生也人愛其文翰如璵璠
結綠其死也自先達同儕以及遠方大夫士莫不嗟
咨痛悼謂天無意於斯文也

洪富字國昌以刑部郎出守雷州陞兩浙轉運使丁
艱服除補兩淮陞四川布政叅政以老乞歸富寬凝
簡重默守稱長者初筮仕刑曹人謂法律非其任乃
執法求情侃然不徇阿有某巡按劾其憲副憲副爲
時相私人時相撻巡按一事欲抵以重法者富言於
尚書聞淵如法而止相不能奪以次受提牢後冬月
囚多凍死日製薑湯分給之囚群號爲彌陀佛其守

雷州興學訓士築海捍潮有憲司牙卒四人以賭殺人富廉知悉寘法憲司以情請不聽憲司怒易他官治之富以獄成否爲去留竟論卒抵罪浙淮鹽課利藪也富在浙時按史不無有所望而富絕不應按史欲陷以墨無所得適商人餉邊未給鹽而死事幾二十年商人子來訴甚哀富核給之按史喜以爲得間鞫商人子無完膚商人子曰死則死耳敢污清吏居淮半載而叅政四川蜀人樂其實寬恕廉靜又呼爲洪佛爺也張襄惠岳以總督大臣受朝命出師湖廣徵餉於諸省蜀巡撫李香以疆場彼此爲辭富曰王事也莫非王土况督撫名統四省豈不關涉者襄惠又欲調土兵萬人應役蜀巡撫香又欲以先年調征之兵應之富曰年遷人易柰何以紙上虛名應軍前賁用巡撫香又欲以意論丁解戶吏遣戍之富曰充軍下死罪一等難便輕擬尊嚴之下恐小民之難盡也既屢與巡撫違忤遂乞歸歸十餘年卒年七十餘富爲諸生時受學蔡文莊之門人若吳銓林同二公苦心易學因以所得著爲淺說與文莊蒙引並行於世而泉中學士多尊事之既登鄉薦讀書國子時嚴相嵩方爲祭酒知其深於易延爲其子世蕃師及嵩爲

相絕不與通而世蕃時時致師弟之愛富弟勉之忠孝而已當官早作夜罷候期不爽案牘無滯人或告之曰吾謂爲官樂耳乃公自苦如此富曰官以爲民也稽一日而民多一日費可以已一日費病百千人之一日乎其爲人忠實恭讓以此事上官亦以此馭下吏以此接士大夫亦以此待鄉人沒而經生學士田夫野叟兒童走卒莫不咨歎孫澄源從子猷

澄源字子定授戶部主事歷卽申出爲桂林知府廉仁著聞擢貴州按察副使備兵畢節畢節爲宣慰安疆臣所轄部地廣兵強冠帶而羈縻之爾澄源外制以法內推心置之疆臣以是畏服播酋楊應龍爲變朝廷出師征之命疆臣出兵助戰中丞郭子章委澄源監疆臣軍疆臣與應龍實唇齒交內懷觀望數張皇撼澄源不動疆臣知不可恐喝遂進兵大勝播兵於大水田斬首萬餘級復燒之於桃溪衙應龍敗亡入海困於是疆臣獻計請鑿山開後路以進潭泥險阻墜馬蹴脇踰月至其處應龍授首賜金帛先是征應龍時懸賞格許平賊即以地償安既賊平地未及償而安氏有叛日輸安情於總督謂其侵播州沙溪涓河之地總督責安議正疆界安執會典通志家譜

為據謂沙溪渭河本水西故地且謂許地未償併削故部以益播忿不受命諸道絡繹親臨安境莫解屈僵總督曰非洪君不可星夜馳檄曰安氏畏服門下一人而已澄源單騎往諭令其地屬黔者歸安屬播者歸蜀其屬播地而為安近地要害者輸納糧賦安遂俛首奉命擢貴州按察使踰年轉雲南右布政尋轉左而澄源已卒澄源溫質無機不能陰陽闢捷官雖至方伯第徘徊邊徼間至其中誠著於人人強首阻夷莫不歸命矣

猷字文振家貧力學授徒取陳布衣心圖蔡虛齋密箴為士誦之解咸艮二卦謂艮者止也君子思不出其位則靜而非虛矣咸者感也君子虛以受人則動而非實矣萬曆十七年應貢授南安府訓導教諸士曰周濂二程授圖處也時於講藝中指點身心性學間遇名勝携二三子吟咏偕樂有沂雩氣象居一年卒子啓哲鄉薦

林性之字帥吾父堯見韋布性之知麗水縣不立聲威務在安全民以事至庭開懷與語山谷老穉苦樂皆得相告性之一語不忍傷之即掾史有過亦輒為拚覆俟其自悔終已不發遷南京戶部主事丁外艱

服除改比尚書梁公材噐之適密雲分司告代遂命
之行時輸邊金者例加什之一性之至中額而已法
於商人不便者輒申白之巡行堡壘拊御戍卒邊人
感悅事竣還京委督十一草場會邊事急諸道調發
咸聚京師青茭藁性之所督場入已盈數萬遷員外
卽出治天津倉值倉粟空又寒凍餉道阻軍無所食
性之請發旁近德州倉粟給天津軍三月食或謂于
法不得相借性之不爲止已朝廷從性之議當是時
微性之一軍幾詢詢以病乞改南遂遷南京戶部郎
中過家卒性之少而精思薦學要於自得細謹慎事

至其當官越法有所移用而曲法有所寬貸仕宦十
餘年家無多貲割田十畝以給族人不能婚葬者其
爲主事家居里正來索賦謹啾悖慢而時輸期未也
性之徐攝衣冠出見甚恭謝曰煩公遠來卽爲公輸
里正羞感走出葬其父堯值里中士亦以其日葬母
治葬具車兩甚盛盡致郡中賓客貴人郡縣長吏以
下交走計弔性之布車蔬粥窆周於棺哭泣悲哀非
親故亡在者人並傳其事而獨孝性之子一新
一新字震起樂易好談謔而意氣中介舉進士授戶
部主事筦通州天津倉咸寧侯鸞提大兵拒虜恃寵

自尊重諸部郎督餉稍不如期多危中之一新戒諸分屬爲期會走間道身趣之餉悉如期至竟不見咸寧返咸寧反亟稱之轉員外郎旋陞江西僉事分宜相當事家僮作犯一新直杖繫之及入賀見相府中相飯一新且謝曰微公孰爲我家正法者轉雲南叅議東川土官爲梗開府兵征之與直指相左一新獨右開府直指怒糾開府誣及一新事竟白坐降級久之起湖廣僉事累轉江西副使復以忤度撫論調後調雲南晉至右轄皆滇蜀邊徼地以艱歸竟罷家居蕭然守先世田廬饘粥幾不具人謂林氏世清白

黃光昇字明舉祖永見關析父綬受易蔡文莊剛方遵古仕萬載教諭光昇年二十四登進士爲吏部選人即明習法律書數考論國家掌故授長興知縣下令民自實田畝戶揭其輸之凡示之人人知所宜輸詞訟至立決寬其贖鍰一縣之人伏令少年而敏政召入爲刑科給事中長興劇邑也賦繁積蠹令率以劇敗其有擢召自光昇始以艱歸補徙兵科凡給事中中有建白奉旨處分即造閣謝光昇念旨意出朝廷柰何閣謝者時夏文愍言爲相嚙之出爲浙江僉事進布政叅議文愍既罷相會復召還道出衢州人爭

伏謁光昇遣一材官齎刺以上而已文愍益嚙之會當大計以屬銓曹罷之而是時徐文貞階爲少宰獨知光昇持不聽歷遷廣東按察副使四川布政叅政復爲廣東按察使復徙四川右布政尋轉左光昇在湖修築海塘改浚諸暨泌湖蓄洩山會蕭諸四邑水其在粵粵民多挾峩舸入海與夷市間或起爲掠輒爲嚴干擷置稽驗籍下令捕海寇者予所獲財物民遂不爲患海外夷以市來者向故有緡筭主進吏侵獵其入纔什一光昇更爲徵令秋毫不染夷稅十減六而課入反倍軍興從此饒安南夷莫正中者與莫浚翼爭立敗而來歸其酋范氏藩氏以兵攻欽州索正中殊急遂尋師是時俞大猷爲帥光昇集餘皇檄東莞新會二邑兵密授大猷方畧伏兵海島連戰大挫之二酋奔浚翼斬以獻轅門尋率其黨款聽命乃與浚翼襲安南以安已復有討定徭黎俘新會賊陳文伯功遷右副都御史巡撫四川疏止採辦丹砂麩金及勻停水陸郵傳費歲省民財數十萬會上建三殿需巨材夥且亟其時山無見材帑無見錙光昇計郡邑大小道里遠近爲程量責監司董諸長吏入市之士夷身與按臣共監之轉借灌輸不加賦

而官給工是用成

世廟獎其勞擢兵部侍郎

總制四川湖廣貴州三省討叛苗撫降二十八寨俘

馘甚多錫白金文綺召入工部尋擢南京戶部尚書

召入刑部尚書光昇在刑部讞三獄其大者其一為

楊選其一為嚴世蕃其一為海瑞楊選者薊遼總督

侍郎也先是三衛夷酋曰通罕者虜辛愛之義妻父

也三衛夷人故嘗撲我謀卒四副總兵胡鎮計執通

罕以求四卒通罕之子懼擁撲我卒者至請以易其

父選計欲牽制辛愛使無寇邊繫通罕獄使與其子

更更之通罕大恨遂道虜從墻子嶺入長

驅至潞河河水未合不得渡始去

世廟聞大

怒逮選等獄而選坐接引奸細律誅妻子流二千里

世蕃者嚴相嵩子嵩免相世蕃坐罪謫戍雷陽與其

客羅龍文者逋歸御史發其窩主江盜受伊庶人金

具有反狀二奸並逮繫論死西市海瑞者戶部主事

嘉靖末上疏直攻

上身

上怒甚讀之

至乎顛已感其忠留中月餘尋疾甚逮繫之下旨內

閣罵瑞畜物詈君不絕口光昇擬子罵父律以進留

中未下會

上崩得釋瑞後以此至大官此光

昇所讞三獄云當光昇之讞世蕃獄也

上令

錦衣同三法司鞫訊兩法司欲坐世蕃磔并連罪相
嵩光昇曰世蕃伏法可矣幸毋連其父故相也世蕃
竟坐誅而相嵩免於罪至其論選獄

世廟實

錄載

上當時第欲殺選爾初無意流其妻子

如所以處兵部尚書丁汝夔者妻子坐流光昇之失
職也乃光昇謂當上選獄時具失城守罪坐死而已

上不報改置詔獄下札徐文貞詰責光昇語
甚峻必當以勾虜逆情乃傳以接引奸細律而流妻
子二千里則

上特旨也

上所以責光

昇旨在內閣人不知海瑞則

上天也而又

聖躬疾甚當其怒時至不可忍孰謂先臣而後
君不擬重律進者

上怒瑞瑞立死矣寧少安

上意俾就長繫寬解或有日蓋其用心之微
如此蓋當光昇之爲刑部也

世廟在位久確

斷淵衷群臣無能測嬰鱗之僂其時三尺未易直伸
而衆喙復難盡置光昇委曲平停求生法外寓生法
中良亦有獨苦者隆慶初請老居四年召爲南京刑
部尚書尋罷免光昇起家縣令歷仕司寇所至繇賦
有準獄訟得平引大體達事情蓋得其爲選人時究
心掌故用力律書筭法之効居鄉嚴重謙退先世田

廬之外少所增拓郡國守相時造謁與言國家大計
及其平日歷官厝寢以爲常晚與縉紳耆舊爲洛社
之遊劇飲危坐稱道而不亂年八十一卒贈太子少
保謚恭肅所著有四書紀聞讀易私記讀書愚管讀
詩蠡測春秋采義歷代紀要昭代典則陶集杜律註
解數百十卷藏于家而讀易私記學者尤尚之子喬
棟

喬棟字以藩事恭肅至孝恭肅怒喬棟終夜跪寢榻
之門外不命起不敢起以諸生受恭肅蔭歷雲南臨
安知府持廉特甚念恭肅老辭官歸養歸未數月袍
帶物用已之典家矣其侍奉恭肅未嘗離跬頃恭肅
沒廬墓覆船山下著作無晨暮恭肅有諸經註解獨
詩禮未就喬棟足成之他所撰著有十二經傳習錄
讀書管見老子解末年患瘡疥不能久坐至長立而
濡毫子暉事喬棟亦至孝

莊深字靜源登鄉薦卒業成均遇 世廟行籍

田禮深作 聖駕躬藉田賦祭酒王教上其文

遂蒙欽賞其賦曰 帝在位廿有一載兮大業

朗以遐宣闢兩儀以作宇兮掩六極以爲廓四時肇
其順序八政飭而罔愆惟東南兮薄海暨西北兮窮



邊莫不禡氊裘而襲弁帶服鉉耒而止戈鋌猶且遡
王業之本念民事之艱憲古昔以示勸躬往耕乎籍
田時則有大宗伯捧策而進曰臣聞民天在食國本
惟民伊籍田之大禮寔累代之攸遵善乎號公之言
上帝粢盛於是乎出民之蕃庶於是乎生事之供給
於是乎在和協輯睦於是乎興財用蕃殖於是乎始
敦龐純用於是乎成者也彼千畝不籍固取謂於麟
經而三推親率亦徒羨乎虛名 陛下應農祥
而發令順陽氣以時行舉百王之令典循 列
聖之法程籍大畝於畿甸動萬乘以躬耕勸三農以

崇教本播四海而揚頌聲想餘糧之棲畝將腐粟之
如京載在國章既以示勤民之政藏諸御廩抑以薦
明德之馨大矣哉此之爲禮蓋將邁前休而建極啓
來哲而休稱者矣豈止於奉遺典而遵修慕前文而
觀榮者哉於是宰臣再拜稽首奉萬歲之觴上一人
之壽鐫玉冊於金滕勒鴻猷以垂後遂作頌曰於惟
上聖轄化權兮洪澤滂唐溢八埏兮百祀咸秩禮則
虔兮迺籍天畝國之原兮朱紘蒼佩造彼壇兮
帝既至止三推先兮三千雜遝扶轄還兮農用震
動庶殖蕃兮粢盛恪共盛所蠲兮穰穰其瑞應罔愆

兮百穀膻膻大有年兮耒耜萬里息戈鋌兮如陵如
岡萬福駢兮登羲越軒古無前兮天子萬壽配彼天
兮臣拜稽首頌斯言兮匪臣則文盛則傳兮久之授
四會令劑量貧富以定徭役修聖廟建尊經閣限程
課士捐俸以賑貧士之婚喪處徭夷寬嚴有經徭夷
亦祠祀之爲忌者所擠遂罷歸歸十年士民論定送
之名宦嘉靖季泉中倭深先登北門守陴飯卒寇不
敢攻竟退御史樊獻科致金帛羊酒其門曰爲泉人
謝公守城德也深善四體書尤長於徑尺

蔡元偉字伯瞻宋忠惠襄後襄兩守泉州其三世孫
楠再蒞是邦四世息因移家焉元偉總角受學則已
有孝弟稱既爲諸生憲副方豪延致家塾爲其子師
夙興夜寐已自嚴矣久之見程端禮家塾日程皆宗
晦翁教人之法嘆曰學當如是即手抄服行慨然有
求道之志領嘉靖辛卯鄉薦不干有司舌耕爲養既
十年就授羅田學所以教士即舉業之中默誘之聖
賢之域擢德安令邑衝役繁糧多逋負令自國初
以來無遷者元偉至一以節愛爲本才之所施常先
其要而事之所集常急其大每退食取小學近思錄
伊洛淵源錄本朝薛胡二子粹言揭觀成誦即升堂

亦袖以出曰非曰忘之誠慮心官少放行事過差以此當嚴師良友一時政事真有得於學道愛人之遺士大夫交口稱贊遷杭州府通判以覲行事竣乞終養家宰李默知元偉命考功懶留歸署錢塘印一月民甚稱平擢撫州同知下車數日巡按御史委督樂安通糧樂安素稱刁邑元偉寬命令鞭笞皆相繼輸納復還府治者民送者盈路謂自髻髻至今日見徵糧官莫如蔡公無何樂安復有劫庫之變再被委往忽流賊數千焚掠南豐等隣邑縣故無城元偉召鄉民精銳者設險扼隘自着戎衣演武教場賊聞不敢

近先時縣獄久壞風寒莫蔽囚遇雨荷蓋立被繫者復不以時問遣至滿不能容時蒸癘疫元偉欲作新獄居之縱囚歸命獄成乃至獄成囚並如期至復委署崇仁崇亦無城不數日報賊突至東西二者衣帶隔耳元偉督兵渡河率戰數合殺賊數十餘既五日皆遁散丁外艱瘞葬畢以泉中倭棘募建寧有考亭遺風遂移居之元偉學尚程朱而重躬行其所實力惟在飲食衣服男女起居動靜語默辭受取予之際其自治之勤或至提繕少懈過失復生輒撫膺泣下長跪自罰作日歷自識平生名考德錄而自序曰松

莊子少不自揣量非聖賢書不觀非孝弟之志不存
非天地古今之運化英雄豪傑之作用無以入吾思
也氣拘物蔽鞭策不前悠悠作輟出入是懼於是
有是書之作所云考德有二一則時常省克而時識之
以自稽其理欲分數之多少一則隨其學之有得心
之有開即便劄記以驗器識之高下淺深以爲進德
之助居常服膺晦翁之言以爲世間事須臾變滅皆
不足寘胸懷惟有窮理修身爲究竟法賴天之靈幸
有所知好學性生至老彌篤歷官雖久此心淡然中
屢遭家難備嘗變故每自歎所遭之窮而此志終顛

撲不破晚年閒靜之中咀嚼益旨行以不息之功加
以未死之年不有得於今必有得於古不有合於人
必有合於天則所謂不知不愠之地或可幾萬一焉
又有四書折衷易經聚正各若干卷其云松莊者其
先祖思家郡城外十里許選宅皆松王梅溪守泉時
題爲萬松莊元偉取自號也

徐榮字仁卿幼篤孝父娶於吳梗不宜家又生子蕩
父出吳返舍別娶生榮稍長告以吳母狀榮即泣訴
請迎吳歸父不從也而吳子蕩益甚父一日召之飲
而將鴆之榮急趨爭飲父乃捨去密之母兄弟涕泣而

道母兄懼悟榮喜告父涕泣勸救父遂召吳與其子
歸年二十登鄉書而吳母沒號哭服喪三年如制人
咸稱其有道登進士授嘉善令丁內艱服闋補東明
遷南戶部主事故爲夏文愍所知及分宜爲相遂左
遷趙府長史卒爲人恢弘肅給磊落開敏以春秋起
家三山王應鍾郡中王慎中皆事焉子用賓

用賓字子尚席先人之遺而好行德嘉靖丙申丁酉
歲邑中久荒疫用賓夜衣短後衣從一蒼頭肩銅錢
十餘肩行施日則搜屍骸給埋葬如此者六十晝夜
去之甲辰乙巳歲旱疫尤甚用賓家已落假貸賑捨

如故去之辛酉壬戌歲倭寇兵燹官私俱困用賓斥
賣田宅支撐公役而恤饑孳仁枯骨又復如故計其
三度賑捨每費以千金故諸生高等也萬曆中以貴
郎累無錫丞丁亥戊子歲吳中旱魃赤野死骸填江
甚於鄉郡仍自舍中展轉得千金往賑竟勞瘁以物
吳人哀思祠祀之

何元述字元孝登進士出高叔嗣之門乞教惠州甲
午分校浙闈得陳善茅坤潘季馴諸公皆爲浙中聞
人擢國子監博士歷監丞遷南京戶部主事出爲廣
東按察僉事擢湖廣布政叅議

世廟修

顯陵承天以分守賢勞受金幣賞中貴人使楚諸
大吏莫敢不爲恭元述亢然行敵禮鎮守中貴人廖
斌者傾御史包節至被逮謫戍斌部曲席斌勢騎而
逆二司不引避元述直執問之京山有兄弟殺三人
匿其屍瘞山巔石匣中靡覺者元述一夕見夢密訪
得屍殺人者遂輸服遷廣東按察副使治海道事署
中積牘累千其所株連多以數百少不下數十歲近
亦數歲矣元述搜閱可問問之又遠不可問請中丞
御史臺除罷之瓊州大海之外御史行部不一至故
以臬司代行當行莫應者元述獨請往至化州黎麓
猝襲化驛遇之輿人望見狂奔走元述獨身行寇知
爲何海道也皆散去有兩勢家子弟暴豪元述詰責
之遂見中罷歸元述孝友甚至官俸之餘敬上二親
撫諸弟無同異母身長八尺餘折節爲恭老少一致
家居遇慶賀節宵興望拜里社有雩禱赤日行通衢
數十武一叩首臘節歲旦自昕至夕揖讓酬酢矯然
無倦怠探望鄉父老徒步過里門接縉紳士流倒屣
恐後隸卒佃僕亦必整衣冠乃見雖八十餘不衰卒
年且九十去其登第之歲六十一年矣子居魯任承
天知府

吳銓字秉衡嘉靖初貢士授博羅訓導陽春教諭平
居嗜學而持身以禮無惰容無僞言無私謁妄求取
爲學官集士有美質者親爲講授夜則挈供具行視
皆翕然勸與以疾歸咸思慕之蔡元偉稱溫陵人物
謂朱簡庵鑑李木齋聰蔡虛齋清陳紫峯琛張淨峯
岳黃逸所孟偉林龍峯同顧新山珀林六川性之與
銓數公雖名位不同皆無愧鄉先生也

陳露字

以舉人授武城教諭陞國子博士肇慶

同知肇慶古端州包孝肅嘗宦其地露至名堂曰仰
包平反大辟不顧回異檄署德慶州賊有黃海龍張

快馬等倚猺蠻爲聲援剽掠南鄉富祿儒林露廉知
大姓主名結賊好以自保者數人不繩以理因以爲
作使而州學生李文瑞其一也露令文瑞款賊其家
與酣飲候其醉出伏兵擒之皆就縛餘黨盡平以不
能取容罷歸子紹功舉進士仕潯州同知有文學
楊景辰字載父以南宮第二人讀書中秘以禮部侍
郎教習詞林日程月課諄諄以考證朝常諳練典故
爲經世實用轉吏部侍郎今 上登極以禮部
尚書兼東閣大學士召對 上示景辰營伍虛
冒一疏景辰奏今天下兵餉空虛在情面不破卽如

京營十餘萬領餉有兵操練防守無兵積弊已久雖
 一時整頓不來然當責成提督及巡視衙門漸漸清
 查振刷勿仍宿弊至九邊昌破多緣貪賄將領以致
 三軍枵腹今後將官有不稱者宜責成督撫大臣據
 法參究
 上又問近日插酋聲息景辰奏年來

邊事之壞皆繇無事偷安有事倉皇
 上動容

喜曰卿言甚是今日之患正是有事而倉皇景辰復
 奏今插酋雖暫退然情形叵測宜一面講款一面料
 理戰守之備切不可偷廢
 上首肯久之亡何

乞歸遣官護送賜蟒馳驛晉少保官子一人又亡
 卒何

圖書卷之八十六

英舊志

縉紳

泉州府

晉江縣六

皇朝

有傳

周天佐

王春復

徐

孟

郭

智

張文炤

黃潛

孫國鼎

王國相

史朝賓

弟朝宜
朝富

鄭良璧

蘇民

李纘

薛天華

丁自申

尤烈

郭立彥

江萬仞

王宗會

許宗鑑

蔡黃卷

族子思雍

劉大遺

蔡存省

蔡一槐

林大楨 林喬相 陳邦顏 張國謙 周標

孫振宗 沈亨 林雲程 從姪欲 履肇開 賴廷檜

黃才敏 蘇士潤 潘維岳 姪洙 藻 許知新

周天佐字宇漸幼警敏沉潛每群兒嬉戲獨端坐默

視既補弟子員益勵學事父母未嘗少傷其意與兄

弟讓遇小大親疎恂恂然年二十五舉嘉靖乙未進

士猶未授室乞旨歸娶戊戌授戶部主事分督草場

防範嚴密繼署司篆護 駕承天軀體戊削似

不勝衣而敬謹有終始已又督儲德州精密如草場

世宗在位好言瑞應辛丑春正月戊子大學

士夏言率廷臣賀雪御史楊爵感憤上疏論言安危

利災無忠亮體國之心不宜居相位併及劾國公勛

阿意擅權及崇道教興土木有足失人心致危亂者

數事 世宗覽之怒下之詔獄時一再讀怒益

甚輒擲棄之遣內官伺無恙復下錦衣再行痛杖加

梃械爵富平人爲御史請急家居身輓糞車妻餽之

以清節聞天下既起用上是疏先是太僕卿楊最以

諫歿中外杜口者一歲餘及爵疏人人稱中興第一

顧其杖繫無敢訟言者四月辛酉九廟災 成

祖仁宗二主燬 上告南北二郊下詔停大工

許大臣自陳各衙門各言時政諸公第以支詞撐拄而已獨給事中戚賢等及戶部主事李時春頗著劄切上覽之怒而留中矣五月戊子天佐上言

臣伏讀 聖諭宗廟災變朕心震驚所宜痛加

修省時政闕失許該衙門條奏務切國體民瘼不得虛應故事汎濫彌文有以仰見 皇上畏天之

誠求言之切誠治道更新之會轉災為祥之機也大

小臣工誰不感惕思効其愚乃今闕政尚在忠言未聞則是何故聖明采納之度未宣臣下畏望之心未免也蓋求言之道示人以言未若示人以政明旨所

許條奏闕失特示人言耳楊爵在獄未示政也爵所言是非莫逃 聖鑑惟以過直犯怒誠可憫察

古帝王立毀謗之木以求諫夫毀謗非人臣事君之義矣而立木以求誠恐天下之言有不直不盡居民

上者不幸不聞耳漢至文帝駸駸治安賈誼方痛哭流涕太息以長豈好為不祥哉患愛之心不能已也

承平之久天子之尊威福之重不少唯諾稱頌之滿朝正乏憂治危明之一士在廷之臣不負此義獨一

楊爵而逮獄已經數月且 聖怒之下一日小人一日囚犯夫以盡言極諫為小人則為逢迎君子

不難以奉職納忠爲囚犯則容悅寡過之臣易矣言
行君子所以動天地也人君一喜一怒上帝臨之

陛下誠思所以怒爵而罪之者果上合帝心與
否耶雷霆摧折萬鈞覆壓爵旣遭之矣身非木石命
且不測萬一先朝露卽爵不足惜而使諍臣結舌直
士寒心關繫聖德非淺細臣願察爵之疏原爵之心
勅下鎮撫早賜寬釋仍乞明旨嘉納采行旌爵忠謹
以來天下如是而宗廟不安天意不回未之有也疏
入 上覽怒甚畱中不出傳旨錦衣切實杖六
十牢固梏囚方天佐上疏時其妻問之不告對客談

笑絕不言及疏入收整書卷青衣小帽待罪旗尉至
綁縛之痛入骨天佐曰上疏時分此矣壬辰東廠內
臣出監杖五棍一換比御前不減天佐辭色不亂第
呼曰 皇天 祖宗天佐何罪旁觀者皆

爲隕涕旗尉私相語此人身小心雄諸內臣合歎曰
六科十三道無一人開口救楊爵一戶部主事能之
名曰天佐真其人也旣入獄手瘦枯寬守者以鐵練
貫梏自中食飲俱斷癸巳卒臨絕遙呼父母妻子曰
行矣旣絕手尚在桎足尚在梏楊爵私視之出涕曰
悲乎哉子生極南我生極北而以救我隕命甲午奏

聞丙申命驗瘞之丁酉出屍于詔獄水門惠人李愷
邑人鄭一鸞作蓆蓬於錦衣衛後衢共收殮之始天
佐入獄時風霾大作出厥雷震日色黃白無光知與
不知皆爲流涕京師民有張弼者設祭哭之人曰子
於周公故乎曰否吾傷其直也天佐少赤貧其父熏
烟導氣以辟寒饑既舉進士粗糲不改被婆監權率
易利染乃如置玉涅中平居溫恂無戟級挾冊吟誦
孜孜當世之務若不及至所口講神注率皆當世正
士賢人君子其仕不久其年不永其學顓銳而勤脩
進而未見其止勉而不及於成獨其忠耿繇天動定

從容皎然可見也隆慶改元贈光祿寺少卿蔭一子

天啓中賜諡忠愍天佐故無子嗣其兄子曰暹暹後

亦領鄉薦仕封川知縣暹子一驄以蔭爲南雄府判

王春復字學樂初令泰和有惠政歷南工戶二部郎

中出守贛州會有大木之役贛當上游春復條上數

事視他府費爲省閩流賊覘督木官積貲鼓行出石

城越會昌寢迫雩都執二指揮以逞春復出郭去四

十里民皆來集賊聞春復出不敢前釋二指揮遁去

贛下流諸郡率保無事擢雲南按察副使駐劄永昌

慎固關梁禁民無私入于崖隴川南甸三夷地牟利

激怨民夷金安擢廣西布政叅政駐劄賓州出繫囚
編保甲立種市期民方賴爲安春復遽寢疾迨貴州
按察使報至則不起矣春復令泰和時質學於羅整
菴歐陽南野二公所著有四書周易疑略序曰儒者
誦法孔門質聖道爲依歸而言人人殊莫得一也夫
子之門聰明莫若子貢篤實莫若子夏子貢則以多
聞見爲高子夏則以篤志力行爲實而皆不若顏會
獨得其宗夫其親受業於聖人所見若斯殊也道者
著於所感學者止於所知故雖多聞篤行而莫見其
多聞篤行之迹焉此顏之所謂愚曾之所謂魯也至
一之機見乎感故不待於牽合戒懼之要止於內故
未嘗見其在外也

徐孟字希孔自其爲諸生則斤斤爲廉曰非壘上所
耘辟纁所易食之弗味嘉靖中以貢士任袁州府學
訓導遷曲陽教諭最後教授黃州端方正直課士嚴
而接人恭黃自國初以來學官得祀名宦者兩人其
一曹賢其一爲孟子廷佐鄉薦知縣

郭智器度深沉文學優贍嘉靖甲午以貢士教諭餘
干及門諸士多所造就陞徽州府教授王府紀善
張文炤仕衢州教授故精易義旣爲教官出其所學

真切訓士莊敬和樂衢人誦之

黃潛字昭卿父泰官武康令潛爲諸生時以學廩讓兄當起貢辭同廩者貼貢資同學已高其誼矣讀書太學授嵩明州同知會州守缺潛署州篆易土城爲石可捍郤夷曾徙學宮以興文事壩普沙河於家山管轂蓄洩潤漑田疇州東北接東川武定尋甸諸夷界扼要害練士嚴戍寇賊屏息自免歸州人相與祠之潛刻厲書史題讀書處曰靜養一心之神動觀萬物之變又有四難四要箴以自警四難曰急躁之心難攝麤浮之心難馭誇大之言難收匆遽之事難理

其四要曰心要寬綽氣要和平易言要簡寡事要尋思

孫國鼎見下朝鼎同知

今太師

國鼎字敦柱登第選翰林庶吉士爲第一授編修歷右春坊右庶子兼翰林侍讀侍郎呂圖南爲銘其墓曰公有太丘之廣而無其難周有林宗之高而無其品鑑當公在朝屬通國欲有所倚重者二人公皆策其難與難成事迄今並可覆其於避就出處之際尤嚴四明相師也每謁見人有婉規出不令人知福唐相羊友也會閣中稍同異公力爲護持令不見跡李文節相鄉先程也不得親不得疎獨其被言求去僻

身荒廟則慰見無時情非周旋言皆澹靜文節退而
 目攝者以餘忌及公第連章乞身而已國鼎學務克
 已戶牖駢對類多格言有言煉心性煉自己心性暴
 戾加人增自乖張砥廉節砥自己廉節表暴形人昭
 自矯飾積陰德積自己陰德權謀勝人叢自惡業崇
 退讓崇自己退讓盈滿傲人露自淺薄又言處世不
 可有德色想善使人知終非善不可有鬱伊想忍不
 能忍忍乃大不可有窮竒想以不盡還天地天地乃
 同流臨終手書數語參合於太和委運于適然默還
 造化再度乾坤不憂不懼順受其正其所養如此

王國相善書工詩嘉靖間任慶元教諭考課嚴勤士
 氣振作擢瓊山知縣

史朝賓字應之少遲重強力苦識學成爲文章演漾
 汪洋踰冠舉鄉試第二人已登進士第七廷試三甲
 第四人授刑部主事久之以員外郎署司篆兵部郎
 楊繼盛疏論相嵩納賄蠹國十大罪五奸中有援

裕 景二王語 肅皇怒其援二王杖繼盛百
 下之獄嘉靖三十二年也方是時 上怒甚而

繼盛所論相嵩大司寇以下惴惴不知所出朝賓擬
 獄則傳奏事不實律以進部尚書何鰲謂曰更有一

比盍思之翼日復尚書曰有之則有戒於此尚書乃
自比其律且云傳此庶得當朝賓持不可獄數日未
上事益急尚書曰急矣雷霆不測如君所執誠是夫
固爲俱靡耳盍以待後解而侍郎王學益直曰司官
徇名余老矣於是當以詐傳令旨罪絞自爲橐授朝
賓朝賓既爭不得請署奏末云楊繼盛語雖註誤心
實無他惟復

陛下憫其狂愚謫發遠戍庶以
全好生之仁奏入繼盛竟坐大辟尚書侍郎奪俸而
朝賓降三級外調秦州判矣方繼盛下獄時薦紳相
見脅息不敢語反繼盛杖瘡甚同年提獄束不許關
通獄之士朝賓自分重譴與繼盛俱死耳諸公有入
獄勞問繼盛者繼盛都閉目不言及朝賓至瞪視曰
史應之耶費心多矣朝賓當往秦州別繼盛書遇公
之事當以死爭賓不死者尚冀公不死也而楊復書
謂批奸人腸恨不卽死公何苦哉公其珍重於是薦
紳大夫私相嘖嘖李相本亦嘆曰真男兒也判秦州
三年量移楊州久之遷南戶部以艱歸服闋補工部
郎分署張秋鎮通商惠民疇不緇滓久之相嵩敗徐
文貞階當事乃以河南僉事擢尚寶少卿尋承南大
理居亡何復徙應天府丞久之竟徙鴻臚卿以沒

莊皇帝詔賜諭祭朝賓嘗稱民生利害之端非有惻怛忠誠之心不能體察吾身利害之端非有正直剛毅之守不能鎮定故其所至卓有樹立從弟朝宜

朝宜字直之舉進士授山陽令山陽南畿劇邑漕臺總戎坐鎮其土諸監稅平刑部使者相聯弭節境上千旄舟車日夕繡錯朝宜所以取辦供億量市價程物力要使民不困而上足吏不得緣爲姦而民實受一錢之惠有趙侍郎出視師祭海浙直間道過淮山陽所以供帳如常禮其時侍郎嚙命出威勢甚盛令

無所以侈奉之視命若不聞任其送過界不嘗省朝宜走白辭之曰山陽耶返返邑人爲之語曰雖有大猛虎不啖小山羊蓋借羊言陽也邑田多荒賦額復廣朝宜於秋冬間借官帑遣糴江南湖北不以聞上官蓋一石之費代輸民二石歲減賦以數萬他日撫臺陳儒問歲朝宜曰歛儒曰斗米直四分云胡歛耶朝宜曰此商米也農則不登無金易米歛莫甚焉儒薦朝宜第一秩滿擢南戶部主事丁艱改北轉負外郎中隆慶初出知瓊州先是守瓊者連以賄去至朝宜一洗之其所以教民正俗振官箴作儒風一發

於至誠如緝紀家事不倦不沮遂有史沙井之稱沙井者瓊最冽井也轉按察副使卽治兵其地是時流倭突入瓊朝宜以吞賊爲已任寇至迎擊之大創去乃巡行潯嶼劔白沙諸寨以遏奔突聲勢聯絡倭不敢犯擢浙江布政叅政復擢廣東按察使威信在民不嚴而治其懲貪去暴不少假借遂有閻羅之號入覲首舉卓異轉湖廣右布政使會楚爲江陵相之鄉不能與時頽仰未數月引疾歸朝宜所至正已率人爲務而在粵最久粵人亦知之最深自號方齋粵人語史公不媿其號也弟朝富子繼偕大學士繼任及孫延畢俱舉人

朝富字節之與其兄朝宜同年舉科第仕永康六合二令樂與民爲安靜入爲南兵部郎出爲永州太守朝宜方直爲廉而朝富亦自棘棘永郡有仕吏部者方貴燄朝富尋常遇之吏部之父入府拜太守車當門朝富扶其輿人吏部恚甚有裁衣者久供事太守府乘間語曰永民則德公矣貴人不釋憾也願公厚金帛存貴人父朝富曰吾寧以金帛投擲江水中不與貴人父也竟自免歸歸而論學歌詩其論學則有考正大學古本之作所爲詩則於榮期之歌索兩疏

之召隣陶公之賦歸有餘慕焉

鄭良璧字世崑嘉靖中署教會昌月三課士身與對壘賑其貧不自存者中丞陸重其文學檄至郡鳩二十餘庠才士委良璧課督又數浴良璧時事輒中中丞指以是得超遷潮州推官委署潮陽潮陽人像祀之繼署揭陽潮方苦兵長吏數易會閩兵逐寇至揭揭無見糧良璧皇遽備儲糈立辦約束帥出境無譁者被中歸良璧天性孝友家居朔望入宗祠鞭朴子弟之無良者而不藏不宿未嘗有所修于家難之怨孫之玄進士

蘇民字利見以春秋舉鄉魁領教順德丁內艱服除補高明遷長樂令廣中賊久蝟發惠潮間盤據山谷中數歲前令率閉門不給不敢問城外事城外民委與賊任其自守鬪民至曰吾先教而後從事法與武則盡召城內外民與言敬老慈幼各務本業毋舍穡事入我縣門健於訟者吾治之既爲民聽訟率旦夕與解一縣自清胥椽皆叩頭求去居久之督府欲興兵除賊下問賊所據壘皆安在我欲入賊壘道何從令具行視之卽以對先時督府嘗遣一別駕偵賊被賊留至是民單騎往視彼中民築壘守賊賊亦壘自

守犬牙錯也民晝夜穿行其中民以壺漿箠脯請民入壘倒闔而陳食民悉哺酸拊循之皆大喜因一籍記其姓名老稚壯誰陷其壘孰久孰近而所行規賊窟穴凡壘三百有奇盡得其要領乃徐叩別駕所留壘求之賊出別駕即亦有投書縣中者我等皆好民爲無良有司至此公父母我我等不敢復通播民悉召赦之而以所得賊要領具上督撫督撫使帥往剿帥如民所指畫盡平之俘獲以二千餘帥與監司矜張動色即上功督撫曰俘二千督撫下民驗實帥贈民良劍寶鞍及他諸玩貨以好民民麾不受出其故行民壘籍記所陷賊姓名老稚壯孰久孰近者俘能對如籍記則悉釋之不待上記及日中釋者數百人盡歡散去監司聞大駭中事召民曰吾已上功督撫曰俘二千安得使我食言公知讀書耳何知爲令民沉思良久曰當有以實大人驗得者令請分繫之繫再月日即亦謬報曰先後度死監司曰善然卒心怒民第不能中以墨即曰拙催科而傲其上民遂亦自免子琰進士有學行文詞與予善

李績字存孝嘉靖庚戌舉會試魁選成進士授戶部主事丁艱服除補禮部精膳主事歷祠祭郎中時

肅皇居西齋宮受釐撰直四方言瑞應踵至

上常夜半下禮官趣具儀章上謝玄天之貺禮

部輒表賀具儀不稱者蒙呵問賀表或誤觸謬常手

又而抹之大宗伯凜凜受事旨下輒問續續被不勝

襟所上奏輒稱時為大宗伯者吳文端山時時稱續

於吏部曰郎無如李祠祭會有都御史某卒其家人

來請卹典其事在祠祭都御史故有名士大夫間顧

其初以言被斥倭事起都御史自詔知兵遂從田間

驟貴時論少之都御史方治兵攻倭卒軍中至是來

請卹故事四品京堂未滿考卒者非日講軍功不得

予卹分宜相以都御史卒軍中為言文端文端不許

續從文端力持之他日續上有事齋宮禮官當

入受事見相於直房相出上所賜珍醞坐禮

官飲且退命巨觥立酌曰天寒公等皆多文已而曰

觥昨某中丞家人子所致也既辭退僚有與續善者

問續曰相君巨觥我言觥所繇何也相君有謂公宜

審思續曰郎所守國家典章豈相君能以意軒輕耶

竟不與相大怒曰郎好不解事會景王之國

肅皇欲擇郎官習禮與刑者二人往相時京山

高岱為分宜相所不喜遂以續與高並出為長史相

景王行
景王薨召入爲鴻臚寺左少卿隆慶初罷歸子夢麟瓊州府同知能詩與予善
薛天華字君恪以南刑部郎考滿入京會楊忠愍繼盛論死西市招同志楊豫孫董傳策與漳浦朱天球往哭甚哀治具如禮一時有四君子之稱出爲重慶守擢雲南提學副使晉浙江叅政廣東按察使隆慶戊辰舉卓異晉本省右布政使卒有居鄉左戒守官右箴二篇其左戒之詞曰毋通要路書以務養節則俯仰不瀆毋預塵紛事以務養寂則外內不擾毋循末俗態以務養高則志行不差毋受非禮餽以務養

廉則彼已不失毋妄結賓從以務養交則戚黨不棄而善彙集毋苟出言語以務養德則靜躁不爽而口過息毋逐戀嗜好以務養神則天倪不伐而和氣全毋厭薄遲鈍以務養量則機心不熾而真性得無譏訕世短以務養福則不忤人以見直而鬼責消毋虛邀時譽以務養誠則不怨已以見賢而潛德進毋妬嫉僞能以務養才則不設阱以誣善而有獎藉之功毋歆羨汰靡以務養畜則不競侈以蠹俗而有由禮之漸其右箴之詞曰遇暴上思以禮臨之則不可犯臨頑民思以仁悟之則不爲仇御群小思以嚴遠之

則不起侮統列屬思以正率之則不傷威寮友有過
思隱規而公掩之則忠不失厚庶民有議思修靜而
密弭之則微不悛惡受纖介之私思以欺君爲懼則
勤公愈至叨一分之祿思以報主爲心則舉職益謹
怨者人所易恤思精白以任之則廷有分謫之士難
者人所易避思委質以殉之則朝有仗義之臣卽有
偏喜思畏天以奉之則無佚實之賞如有暴怒思觀
理以忘之則無淫法之罰子應鍾令桂平有惠政

丁自申字朋嶽以南工部郎出守順慶修南充學梁

嘉陵江卽紀村建漢將軍紀信祠譙周墓故當南充

縣治後縣久徙之他所縣民相誑惑謂譙公英靈常
憑墟墓咄咄菑禍人頗有伯有爲厲之說自申曰譙
公自先賢豈肯爲此顧杜氏之葬在季武子西塔下
復之何不可遂復之而爲別立祠曰祀墓則野祀祠
則禮復以惜笑名其自公之堂曰孔聖教人蒞民曰
莊使人曰承祭使人望曰儼然予懼持守不至左右
之人曲意重諾中吾一笑而探吾私也調守梧州梧
爲督撫開鎮之所關決蝟集自申泛應曲當會大勦
徃寇將領掠平民爲功俘至自申令妻孥自識別驗
實縱還以不諧世罷自申好讀書聚書數萬卷名其

藏書之堂曰希鄰而自記之曰予少也父師課以小
學孝經及四書周易弗喜也喜觀雜書無繇得時竊
家大人笥中錢從故宦家易亂書數種篝燈夜密觀
睡則以代枕一日家大人檢笥錢不得得亂書枕下
詰予狀跪鞭之予以購書受鞭寃不止予母恚而勸
曰往吾劬此兒也自膝下移置之地土呱呱然試取
故帑敗帙玩之若琅然能爲誦聲者而遂忘其啼吾
以兒讀何等書竟墮故帑敗帙癖也家大人怒霽曰
吾謂妨日課耳雖然所易者書姑任汝壯竊一第遊
金陵官暇事簡得盡發南廡書庫取帑輕價廉者
具本焉吳中客以貨書至俸寡不能售然不能割捐
綈繒償之客亦數受去同志聞予好者又稍稍益予
無蓋積數車以歸會故園熾于寇家大人他無所保
驅數僕浮海負入城中毋佯爲戲曰兒何貧兒富書
書半屋特貧無棲書處耳予乃籍篋數并筦鑰以寄
姻有力之家予茲老矣儻屋選堂編類而藏之而名
堂希鄰因思謝顯道讀史多識程子尚有玩物之譏
予乃徒取以充卷耳顧念吾母幼以此玩予使長而
墮是癖嘗一受鞭猶莫懲也而家大人出諸尼中以
護予之所好予則何敢忘予子孫無貿易之費負重

之繁得醒心寓日豈不幸歟如其不能以待後之有
如予癖取其故帑敝帙以止啼聲猶賢於敗子嗜書
而犯其一蠹也子日近令高淳爲高淳人建天生橋
築圩田有功

尤烈字子偉嘉靖庚戌會試第六人授祁門知縣剝
觚稜破常調視民如家人政暇召諸生與飲酒各極
其意擢南都察院經歷戶部員外禮部郎中出爲江
西僉事 景王之國出境上中官索傳急手批烈

烈遂投袂歸起雲南叅議不出借隱於靈山道院東
禪僧舍累塊度木以爲床縛繩護几以爲凳樹萱花
以爲藪烹練芽以爲茗當道郡縣守令高其風枉騶
過之脫粟留欵而已既久棄官後來郡守令皆晚進
莫知烈平生不來爲恭敬烈亦益困借宿田家藁秸
倉枕藉芻中臭蟲蚤蝨縱橫床褥間顧亦臥起自如
予少時會試與祁門醢豬客並僱驢行問予貴處尤
公烈尚在乎崇禎二年邑丞祁門人爲予道彼土有
縣間不應祠者去輒遭毀惟尤公祠至今廟貌如新
也八十年矣

郭立彥字如選自中書擢工科給事中轉刑科左給
事坐累降浙江按察知事量移南昌府推官累遷南

尚寶卿嘉靖之季閩中倭興化城陷莆人林潤為南
 御史上疏為興化乞免田租三年立彥聞之過潤所
 請為奔蠲泉賦於是潤弁為彥請得免三年之半嘗
 過家輿入洛橋道里中二三父老攔訴輿前謂邑令
 急征輸杖繫其苦立彥歸見邑令力言之二三父老
 率里中兒數百人詣謝塞其所居之衢其長者如此
 江萬仞字若度授貴溪縣擢南戶部郎出為江西按
 察僉事性挺直不能脂韋煤通顯浮湛仕路終陝西
 行太僕少卿一為潯州知府劉御史臺以彈糾楚相
 成粵西多方存遺歿為經紀其喪弗怵懾家庭薦倫

誼伯父嘗捐貲佐之學萬仞所以事伯父如其父析
 箸諸弟各豐田地畀之諸父諸從皆周旋有差子中
 挺福寧州學正以清慎稱

王宗會字賓之起家大理評事轉寺副寺正明恕詳
 讞每多平反自其未遇受知於郡守程秀民及入仕
 秀民身後為里豪所齟齬宗會為直枉衢有柑橘之
 饒宗會捐百金買柑園一區供程祀程人名曰王氏
 柑有權相欲羅致門下宗會不就遭回冷署者十餘
 載始轉廣東僉憲尋卒官

許宗鑑字應衡授浦江令調仁和仁和當嘉靖季倭

寇充斥時將驕卒悍主帥催督至於叱斥州縣凌迫胥吏獨至仁和帖帖不敢動南工部主事權蕪湖稅祛冗役剔苛網改戶出知夔州夔城病江汲火為患宗鑑浚留潤武功二井濟水越山來注民汲以省鑿六池以蓄以制而火患絕民聽理者朝至暮歸至於獄吏退閒府市罷店擢廣東按察副使備兵南韶大小羅山峒寇出沒為害增屯戍設關隘通益利撫結之大廟山寇黃顯祖據山為巢出剽江艇宗鑑請閩贛二省兵會征功垂成廣巡撫檄移其兵以攻他寇宗鑑請待其功成留兵不遣坐為所論遷死

馬卿矣竟謫貴州布政叅議遷雲南按察副使備兵臨安至官之初適夷酋崇正勾引儂兵為亂崇正被囚繫儂兵無所歸扼險相煽王議欲盡殲之兵敗儂兵益猖獗宗鑑解散之而王曾寨者崇正之所轄亦倚儂兵為禍時議弁誅焉曾寨與眾數千逃入交江宗鑑復撫而賑之僕刺毋雞二夷剽劫為俗舊制有十哨兵屯種守禦歲久皆廢宗鑑盡復之鑿玄湖之竅達瀘江之流修峭岷之河為民灌田防水教民種菑菽諸穀而滇民有所仰食擢浙江叅政以方介寡諧歸宗鑑歷宦始終廉靖一節其以夔守入覲令贖

之二葛曰不敢傷太守廉葛者老母所手治故敢獻
宗鎰不忍卻其意候其出送還之宇下吏悉遵條教
寧他日有徙官貧不能就道不敢有所易守見得罪
門人四明趙司寇參魯稱宗鎰蒞官職有所專而意
無不通位有所拘而才無不宜非獨爲吏廉也廉而
爲循爲能者也

蔡黃卷字于省故名黃園生時胎衣之色黃故父以
命之後學使爲改曰黃卷黃卷精易學善以雋旨妙
義教誘後進嘉靖二十年以貢授睢州訓導用孝親
敬長忠信薦敬訓進士督學使者置優劣二籍別諸

生黃卷持不畧掌教迫之曰所名劣士非劣也貧也
某不願吾黨有此名抑平原獨無何害開封倅選軍
睢陽而諸生進者指揮誤以克伍進詣指揮辯之力
指揮怒白倅倅謂進撓軍送至學宮學官曰宜責進
爲謝黃卷持不可旣用德行表士其郊翼士無不至
士益歸之轉汝陽教諭識趙賢孔惟德於諸生中其
後賢至大官而惟德來爲郡太守黃卷不賀也惟德
率同官往拜黃卷門乃見其後率以朔望率同官省
候至則二破竹胡床而已守請黃卷同坐竹胡床而
丞判推官並列坐破小竹凳惟德或時請曰吾師有

以示之蓋望其爲邑子請者黃卷曰願公愛民如子
永寧城陷有指揮當連坐重辟惟德來問黃卷曰計
逼莫支耳無法可貸於情亟矣指揮竟得生旣聞齎
百金爲壽愕然曰吾非爲公指揮感涕叩頭求納至
出血竟不受仕終唐府教授睢汝兩地並祀之學宮
族孫思雍

思雍字主恒少爲黃卷所奇仕龍泉知縣弛邑入以
便民不可弛者爲申請留貯不染毫分邑有勢家恃
嫺當路謀奪民山利浼上官爲言思雍唯唯取牘視
之嘆曰此民利也奪民利以博官我則不能竟斷歸
民雲和鑛盜起調鄉兵備糧餉密令義勇擒數巨魁
上之軍門餘黨破散居一年被劾改爲教官士民老
稚惶駭踵門曰黑冤黑冤而思雍已倦遊矣所居四
壁之廬風雨不蔽饘粥不贍年八十三卒

劉大遺舉進士仕戶部郎改吏部出爲浙江按察副
使以清謹聞

蔡存省字宣楨授安鄉教諭遷永明知縣再爲杭州
府教授遷國子助教出爲臨江通判存省軀不滿七
尺孱然儒生外溫內栗其仕宦不可干以貴勢其不
得志而浮沉州縣間並坐此故嘗曰寧鴻而冥毋蠅

而營寧鸞而枳集母鷲而鳳脊

蔡一槐字景明中懷耿介外若不訾省飄瓦虛舟獨
怡其道年十四則已試中選主司稚之俾與鹿鳴宴
以期之年十七舉于鄉三十三成進士除戶部郎出
僉楚臬稍遷東粵叅議罷歸一槐臬楚時御史希新
鄭相意欲以法巧中耿公定向授指一槐一槐不應
萬曆癸酉總裁楚闈江陵相子試卷分房已進閱矣
有同事者私語一槐一槐故落之同事者乃亟索還
內穀中黃有蘇長公祠鄉貴人請以爲宅一槐不許
貴人他請得之一槐過黃則宅已成必毀之而重建

乃已所坐失官以江陵相故性愛法書名畫善小楷
行草作罌蘭石竹具有意態琴奕寄意對客奕至忘
日夜拳石片硯古董小物玩弄移時不知饑飽一草
一花靜觀獨會老而遨遊江湖間十餘年敝履布衣
莫識誰何嘗入一玩肆止而觀良久不行肆主方少
年以爲非人也予一錢使去一槐受之觀玩如故少
年怒擠傷之面無忤色返旅舍卧病良久終不言少
年事戒殺却肉食不二器湫隘容膝俛仰語言自謂
不殊彫樑畫棟其風尚如此年八十餘卒

林大楨字及甫初名宅遠少岐嶷人物俊整爲平陽

學博庠士識吳公寶秀於貧窶中厚遇之其後吳登第知南康有廉名特稅瑞逮詔獄人服大楨知人令廣西宣化養廉之外一無所入坐失上官意左遷襄藩審理曳裾十餘年晉左史秩以歸蕭然矣郡故有辛酉三林太守雲程中丞喬相與大楨而三皆同年早舉紆金緋有年壽詩奕過從驩甚也大楨書蒼勁有黃山谷之致喜為人書日貯墨汁滿椀以應人求

林喬相字廷翰年二十二連成進士奉 旨畢

婚授戶部主事差管德州倉痛掃前弊不手一錢德人思之數四出入都門其紳弁士卒率踴躍迎送數

舍間或減騶從過德德人偵及亦必伏謁以為快以郎中陞南寧知府南寧古邕州地雜夷而居潔已御下簡節疎目甚慝民心邕士子椎魯少文立課程為之論說品題秋奏賢書者八人請建立新寧州治規創經始為邕保障調順慶一如邕治陞山東按察副使備兵青州聞毋計次日即行服闋除江西副使所司治郵江陵相方厲郵禁喬相獨畜厨傳約舟車去其甚者而已歷轉雲南左布政使滇鎮臣驕橫且徼征緬之 旨索餉逾急喬相覈其行伍時其出內滇帑以給先是藩臬謁鎮臣一如謁撫臣禮及沐

昌祚父祖構怨駢首就藩司對簿禮因而殺具賓王
耳昌祚欲復其舊諷之百方堅持不為動驕鎮益肆
鴟張路遇楊憲副立碎其輿蓋扑其騎從喬相髮上
指曰何物跋扈乃爾吾為藩臬長嘿然已乎奏記撫
按暴其狀遂轉聞于朝逮其牙校赴法曹驕鎮

繇是始戢入覲撫按以清廉卓異交薦久之晉右副
都御史巡撫貴州兼督湖北川東軍務當廷推時石
本兵頗致推轂乃絕無所報謝會楊酋煽亂殘破五
司喬相疏謂黔剝膚應龍法無可貸既經畧受指本
兵以撫了局而直指某者受應龍重賂為遮解與喬

相相左屬言者論列本兵乘夙噉從中交構遂罷歸
初黔宣慰安疆臣父國貞與其叔國亨素格鬪國貞
歿疆臣方稚齒國亨視孺子眈眈几上肉喬相檄諭
之往事一付之司聽敢發難者移兵殲若矣立具疏
題授疆臣官疆臣母子感次骨比候代鎮遠疆臣具
橐中裝黃白金數千宅珍寶稱是屬一里人子之為
衛幕者轉致之喬相正色叱出因馳諭疆臣而能不
侵不叛不患苦黔中人為國家效一臂以誅叛臣其
報乃公者大矣其後應龍戕三省縻縣官金錢數百
萬疆臣出死力自效世亦無有知喬相者林居二十

八載著日省錄宵旦計過匡坐一室繙書誅詩將屬
續惟言無愧於心者數四而已

陳邦顏字獻祉舉進士則有意繼王道思之後牙籤
卷軸皆楷明鮮整若手未觸授華亭知縣丁內艱改
魏縣隆慶初入爲兵科給事中二年遣太監趙玠於
南京供應機房織造邦顏上疏曰近者禮部累奏災
異地震天鳴山裂水湧隕星雨雹白晝晦暝被震地
方人民傷壓孤兒寡婦悲號路哭仳離無所

陛下痛加修省命百官青衣朝參共圖消弭應天以
實端在今日伏見修省之命方始於月二十七日而

織造之遣遽聞於月二十八日工部係職掌言之不

聽工科司封駁諍之不回竊念陛下欲遣織

造夫豈無時乃當衣素之日而切衣錦之命即修省

彌文尚未克圖况警惕實心安望有終臣聞祖

宗於南京原設織染局水泉清勝該局官監機張工

匠種種畢具並無別設供應機房且逆藩舊址氣觸

不祥豈宜在內杆軸御衣又匠役皆順時僱募料價

皆額外坐派臣向爲縣南方切見民貧到骨每追增

派錢糧必須鞭楚血流滿地不忍舉視比徵解該局

染造各各侵扣計自民間而達御前一衣之費不啻

十衣勿曰女紅實民膏血臣伏觀元年登極一詔停免織造百姓懽若更生今蘇杭織造既遣去冬而南京機房復蹈前事臣竊謂陛下仁聖恭儉斷不悖明詔誤差遣伏望收回成命將降下花樣付之南京織局太監監造進御特罷玠遣仍乞念小民之艱儉而又儉監上天之戒敬而又敬日親輔弼以講求治理召還諫臣以廣開言路則民生可安天休可迓疏入

上罪邦顏抗奏奪俸二月亡何卒官

張國謙字爾光繇戶部郎擢守温州明達嚴敏加意民瘼卒于官士民哀慕之

周標字時升嘉靖中進士高第以廣州推官入為戶部郎出守長沙長沙人志之名宦丁艱補兗州招集流移課墾疆畝歲春發廩賑貧勅秋自襁輸不責其息政聲倬起為東諸侯剋復丁艱補揚州途擢備兵徽寧江西按察副使歲旱率寮吏徒步虔禱三日澍雨大應擢江西叅政卒標清襟雅度潔修辦治嘗曰福戒於過享財戒於侈用氣戒於全溢終其身食無兼肉衣無重綵居無華宇閭里間忘其為宦閥也

孫振宗仕行人卒深於易有易學說約行世

沈亨字體敬潛心聖道闇嘿修持其於義利公私之

際幾微嚴謹常云心術上要致其光明氣質上要矯其邪偏一切墜情溺志攻慝責善省己望人不遺餘力嘉靖乙卯以貢授新會訓導作庠諷以訓士作劬勞歌以興孝作卦畫圖論孟辨太極解啓蒙疏以發先賢之蘊士尊尚之擢宜山教諭教如新會未幾致仕有孫二人無可接餒寄養于女家

林雲程字登卿登第在嘉靖之季時王弇州方與李歷下諸公握三尺管馳驅中原海內翕然景附閩中寂無人雲程自其少年則留意詞賦之業既紆組綬交游諸公間所從游詞客則吳中張伯起勾章沈明

臣里中黃克晦及諸名流勝選率以風雅推讓之好蓄法書名畫書具窮其源委而筆翰大有名於人間世人但見其登高作賦臨池洗墨雲程一片直誠自將尤善蒞政以便民自以爲無瑕釁於人坐是浮沉州郡郎署間登第二十餘年不得一八使然而詞林嘉譽世卒不可得而掩也家居厚德載物古意宅心爲鄉邦模楷者五十餘年壽九十六而終人人尚歎天之不憖焉雲程所歷官兩爲通宿州兩爲南北曹郎兩爲九江汝寧郡太守從侄欲廈肇開

欲廈字從奐以鄉薦教睢州成進士繇戶郎知饒州

饒介湖多盜得其魁首於萑苻中淮藩屢優怙寵觸法欲屢謂優罪不赦然獄不可竟也令殪之而事息擢備兵江州累廣西左布政使當饒時觀察襄陽鄭繼之介人也其子徒步入解欲屢方勵官自好治事畢不退食而具炊於堂左繼之偵得之大稱畏友至是爲太宰遂舉欲屢於人中郎拜巡撫廣西副都御史武靖州其地故大藤峽峽平置州官以土酋岑鐸岑暴其民世世三繼三絕而田州泗城各垂涎其地欲屢言岑先非款附功靡得藩天殄之矣改州爲鎮隸之桂平移潯州通判使鎮之官俸不加增石

拯水火塞瑕釁莫此爲便交黎莫二酋其黨與掠犯上下思石攻殺長吏勦撫莫適定欲屢檄諭二酋各先後擒逆黨以獻乃更疏言款不可恃請留兵餉爲後計南寧太平苦交屢矣上下石二州賊衝也請壘之當用額兵五百人招募土漢人五百人合千餘往來戍守梧督撫開府地也故有土司諸兵更迭戍今歲久安瀾乞量移諸兵屯要害左江距省會遠省會主蔣坐制之雖鞭之長矣請冬春移駐南寧如邊防秋海防汛故事多得施行凡撫粵三年如請蠲礦稅減黔木價爲西人計不遺力以協勦苗蠻有銀幣之

賜秩滿五疏乞老加工部侍郎秩予歸欲屢少矜名
行刻苦宦譽乃其和平誠懇邊徼夷酋信奉要

肇開恬雅端介為戶部推稅清白不緇守黃州

卒官

賴庭檜字而舟歷戶部郎出守建昌艱歸服除補歸

德河堤歲嚙為民患庭檜行河按流壅疏之有夫失

其婦行異縣遇之告縣令坐婦姦庭檜閱牘心疑廉

知婦被盜掠賣立捕之得盜窟穴窖地為室獲其所

藏器械及他諸係累人所從來三世矣其黨與三十

人法皆當論死庭檜曰亦吾有司教化之不先武健

之不至按辟首惡三四人餘悉論出之衆叩頭出血

敢不自新深溝樹垣拒蒿矢盜令不得颺突清郡獄

出冤滯繫者歲時予米肉寬其桎械第令毋得疎失

商賈行貨筭繙有舊例上之府悉停罷之以時延見

諸令長問風俗人情為除去所不便遷兵備副使所

治在天津約將校日閱月試行之居踰年皆勁武會

虜犯鴈門徵諸道會兵則天津兵獨可用當事者數

薦其才竟不為權相所喜循資歷四川叅政按察使

卒年四十餘

黃才敏字爾懋入試場屋宗子相臣大器其文拔寘

選首舉進士為會魁授戶部主事監德州倉每納戶

至夕上朝遣却除凡例郎出入間零星升合悉分界
隸役曰毋擾納戶吾聊足望爾腹選入爲禮科給事
中論列數上侍經筵勤慎有衣饌之賜居常束修自
將不輕謁相臣門坐左遷邑丞量移縣令尋卒年三
十餘耳

蘇士潤字惟德爲吉水令悶悶無奇而實心爲政隆
慶初以卓異薦召入爲御史有旨取光祿銀三十萬
備內供抗疏諫阻巡鹽長蘆疏積引之弊行小票法
通商利民至今爲令巡按順天首劾州牧之特與援
乾沒官帑者巡視京營營臣有言京軍驕懦不足恃

欲召募客兵以衛根本士潤謂北人性勁使恩威素
布訓練以時自可易爲精悍若棄士著募烏合徒靡
費無益議遂寢見擯江陵相出爲湖廣按察副使尋
謫全州倅量移湖州推官夔州同知卒

潘維岳字 舉鄉魁久不第銓揭陽知縣刻意治

官擢入爲御史終黃州太守姪洙藻

洙字士鼎舉萬曆戊子鄉試第一明年成進士既掇
上第以學未優俛就廬州學教授其教士如家塾師
弟子以國子陞工部都水主事推杭州南關稅足額
外羨金八千有奇悉貯藩庫亦不以報部管臺基廠

每收放商人至不費一文也擢吏部郎是時
神廟求多吏部臣在任在籍者悉奉旨逐去留者僅
四人洙與焉以父病乞假既丁父艱服除補吏部掌
考功以思母請急久之起江西叅政兼理驛傳復以
內艱服除浙江叅政備兵嘉湖爲德於浙西人甚厚
歷遷廣西按察使江西右布政廣東左布政卒于官
洙蒞官所至不携本土一物不妄取民間一錢久居
家日見窘迫及出山又復如是無改悔爲人一直如
筆所至與諸公相處始初猜訝之後乃盡親厚當官
事事理會嘗謂人曰令吾子弟作文如我爲官者何
所不得高第耶臨卒時遼虜蠢動日夜拊几慨歎積
有三千金欲以助遼及沒當事者以賻其棗一片愛
國之誠竟不得達惜也

藻字士雅以明經仕寧德訓導處諸生如朋友切磋
共之士皆樂從遷廣東長樂知縣視民疾苦如其自
身不取民一錢也以其兄瀾仕廣憲迴避改官歸卒
藻錚錚志古人臨沒猶與予談曾氏之學請與必有
正是托孤寄命之根其卓見如此
許知新任徐州知州無以爲家清節人也

